

**ЎЗБЕКИСТОН РЕСПУБЛИКАСИ БОШ ПРОКУРАТУРАСИ
АКАДЕМИЯСИ**

ТАДЖИБАЕВ САРДОР ГАНИШЕРОВИЧНИНГ

**ПОРА ОЛИШ ЖИНОЯТИНИ ТЕРГОВ
ҚИЛИШ МУАММОЛАРИ**

5А240124 – Тергов фаолияти

**Магистр академик даражасини олиш учун ёзилган
ДИССЕРТАЦИЯ**

Илмий раҳбар: Академияси катта
ўқитувчиси Ф.З.Мирзаев

Тошкент 2021

МУНДАРИЖА:

КИРИШ	3
I БОБ. Пора олиш жинояти ва унинг криминалистик тавсифи.	
1.1. Пора олиш жинояти ва уни содир этилишининг айрим масалалари	11
1.2. Пора олиш жинояти криминалистик тавсифининг ўзига хос ҳусусиятлари.....	22
II БОБ. Пора олиш билан боғлиқ жиноят ишини қўзгатиш босқичининг ўзига хос ҳусуситялари.	
2.1. Пора олишга оид ариза ва хабарларни текшириш - терговга қадар текширув босқичи сифатида	34
2.2 Пора олиш билан боғлиқ жиноят ишини қўзгатишда аниқланиши лозим бўлган ҳолатлар.....	48
III БОБ. Пора олиш жиноятини тергов қилиш босқичида муайян ҳаракатларни ўтказиш масалалари.	
3.1. Пора олиш жиноятини тергов қилишда алоҳида тергов ҳаракатларини амалга оширишнинг ҳусусиятлари	58
3.2. Дастребаки тергов давомида жиноятнинг сабаблари ва унинг содир этилишига имкон берган шарт-шароитларни бартараф қилиш масалалари	69
Хуроса	77
Фойдаланилган адабиётлар рўйхати	82
Иловалар	85

КИРИШ

Диссертация мавзусининг долзарбилиги ва зарурати. XXI асрнинг бошларига келиб коррупция, унга қарши курашиш барча давлатлар учун умумий характер касб эта бошлади ва Бирлашган миллатлар ташкилотининг 8-Конгресси қарорида таъкидланганидек глобал муаммога айланди. У турли шаклларда намоён бўлиб, давлат бошқарув органларининг барча тармоқлариға сингиб боради ва энг хилма-хил ижтимоий муносабатларга таъсир қиласди. Коррупция қонунлар ижросига катта тўсиқ бўлади ва давлатни ислоҳ қилишга йўл қўймайди.

Коррупция ҳар қандай шароитга мослашишда юқори ҳусусиятга эга. Унинг турлари мунтазам равишда ўзгариб ва такомиллашиб боради. Пинҳонийлик унинг асосий ҳусусиятидир. Шунинг учун бу ҳолат тўғрисида ҳеч қаерда тўлақонли маълумотлар йўқ¹.

Коррупцияга қарши курашиш давлат сиёсати ва Ўзбекистон Республикаси ҳуқуқни муҳофаза қилувчи органлар фаолиятининг устувор йўналишларидан ҳисобланади. Чунки суд-ҳуқуқ ислоҳотларини муваффақиятли амалга оширилиши тўғридан-тўғри коррупцияга қарши курашиш фаолиятига боғлиқ бўлади².

Коррупция муаммолари билан шуғулланувчи “Transparency International” ташкилотининг маълумотларига кўра, айни дамда дунёда кўплаб жиноятларга сабаб бўлаётган нафс балоси, яъни коррупция ва порахўрлик натижасида йилига 1 триллион доллардан ортиқ маблағ жиноий тарзда ўзлаштирилади³.

Коррупция характеристидаги жиноятлар ичida классик шаклга эга бўлган “пора” олиш, бериш, олиш-беришда воситачилик қилиш

¹ Р.А.Зуфаров. Порахўрлик – коррупция негизи. Т.:ТДЮИ, Давлат ва ҳуқуқ. №4, 2000. Б-41

² Коленко Е. Иституциональные механизмы борьбы с коррупцией в Республике Узбекистан // Материалы международно- 2 практического семинара на тему «Проблемы борьбы с коррупцией: национальный и международный опыт». -Ташкент: Chashma Print, ст.110-118

³ Korrupsiyaga oid huquqbuzarliklar profilaktikasi: O‘quv qo‘llanma / I. Ismailov, J. S. Muxtorov, S. B. Xo‘jaqulov; mas’ul muharrir 1 Y.f.d., prof. Q. R. Abdurasulova. – Т.: O‘zbekiston Respublikasi IIV Akademiyasi, 2017. – 5 b.

“порахўрлик жиноятлари” тушунчаси билан бирлаштирилган бўлиб, у ички коррупциянинг марказий бўгинига айланган.

“Порахўрлик” бошқа аксарият жиноятлардан фарқли ўлароқ камида иккита жиноят субъекти (пора оловчи ва пора берувчи ёки пора берувчи ва воситачи)нинг албатта мавжудлигини назарда тутади. Бошқача айтганда, бу бир бутун жиноятда бир неча субъектларнинг жиноий фаолияти ягона жиноий мақсад билан бирлашади ва бир-бирини ўзаро тўлдиради.

Бу жиноятларнинг ҳар бири бошқасиз мавжуд бўлмайди. Чунки “пора берувчи бўлмаса, пора оловчи бўлмайди” ва айнан шу тарзда “пора берилмаса – пора олинмайди”.

Пора олиш - коррупциявий жиноятлар ичида мансабдор шахсларнинг жиноий хатти-харакатлари ичида энг хавфли “профессионал” саналган шаклларидан биридир. Унинг яна бир хавфли жиҳати шундаки, у бошқа оғир жиноятлар билан бевосита боғлиқ бўлади.

Анъянавий ва замонавий ҳисоб-китобларга қўра дунё миқёсида порахўрлик жиноятлари латентлиги юқори бўлган жиноятлар тоифасига киради. Россиялик олим А.М.Цириннинг фикрича, ҳозирги кунда содир этилаётган коррупцияга оид жиноятларнинг бор-йўғи 4-5 фоизи аниқланиб, тергов қилинса, бу борада ўтказилган ижтимоий сўровларда қатнашган фуқароларнинг 25 фоизи коррупцияни салбий ижтимоий ҳодиса деб ҳисобламас эканлар⁴. Профессор Қ.Р.Абдурасуловнинг фикрича, коррупция жиноятининг фақат 1-2 фоизи фош этилиб, қолган қисми латентлигича қолар экан. Мансабдор шахслар томонидан содир этилган коррупция жиноятининг тузилиши қуйидагича: пора олиш (24,4 фоиз), мансаб сохтакорлиги (23, 1 фоиз), ҳокимият ёки мансаб ваколатини суистеъмол қилиш (22,2 фоиз), ҳокимият ёки мансаб ваколатидан четга чиқиш (21,7 фоиз), пора бериш (5,4 фоиз) ва бошқалар (3,5 фоиз)⁵. Унинг рўйхатга олинган жиноятлар умумий сонидаги улуши 1-2 фоизни ташкил

⁴ А.М.Цирин. Современные стандарты и технологии противодействия коррупции // Журнал российского права – 2014. № 7. С 141-174

⁵ Қ.Р.Абдурасолов. Коррупция жиноятчилигининг умумий тавсифи, сабаблари ва олидини олиш. // Ўзбекистон Республикаси Бош прокуратураси Академияси Ахборотномаси. – Т., 2018 й. №4 (36). –Б.6.

етиб, аниқланган жиноятларнинг тўртдан бир қисмигина судгача етиб боради ва ҳақиқий пора олган мансабдор шахсларнинг 0,1-0,2 фоизигина жиноий жазоларни ўтамоқда.

Статистик маълумотларга кўра, Прокуратура органлари томонидан 2020 йил мобайнида Ўзбекистон Республикаси ЖКнинг 210-моддаси билан малакаланган 105 та (2019 йилда 100 та) жиноят ишлари мазмунан кўриб чиқиш учун жиноят ишлари бўйича судларга юборилган. Шундан, 18 (2019 йилда 12) та ҳолатда Халқ таълими вазирлиги тизимида, 14 (2019 йилда 13) та ҳолатда Ички ишлар вазирлиги тизимида, 11 (2019 йилда 10) та ҳолатда Соғлиқни сақлаш вазирлиги тизимида, 10 (2019 йилда 7) та ҳолатда Мактабгача таълим вазирлиги тизимида фаолият олиб борган мансабдор шахслар томонидан пора олиш жиноятлари содир этилган.

2019 йилда судлар томонидан Жиноят кодексининг 210-моддаси билан 191 нафар шахсга нисбатан 145 та иш (2018 йилда 202 нафар шахсга нисбатан 174 та иш), 211-моддаси билан 1 179 нафар шахсга нисбатан 995 та иш (2018 йилда 1 638 нафар шахсга нисбатан 1 279 та иш), 212-моддаси билан 17 нафар шахсга нисбатан 16 та иш (2018 йилда 23 нафар шахсга нисбатан 17 та иш) кўрилган.

Шулардан 2019 йилда Жиноят кодексининг 210-моддаси билан айбдор деб топилган 158 нафар шахснинг 82 нафарига озодликдан маҳрум қилиш жазоси, 61 нафарига озодликни чеклаш, 15 нафарига жарима жазолари тайинланган бўлса, 20 нафари шартли ҳукм қилиниб, 13 нафар шахс эса, оқланган.⁶

Ўзбекистон Республикаси Олий Мажлиси Сенати раиси Т.Нарбаеванинг таъкидлашича, “Transparency International” халқаро нохукумат ташкилотининг 2020 йил учун эълон қилинган коррупцияни қабул қилиш индексида Ўзбекистон ўрни 7 погонага яхшиланиб, 180 давлат орасида 146-ўринни эгаллаган бўлса-да, давлат раҳбарининг 2020 йил 2 июндаги “Ўзбекистон Республикасининг халқаро рейтинг ва

⁶ <http://sud.uz/jazo-maqsadi>

индекслардаги ўрнини яхшилаш ҳамда давлат органлари ва ташкилотларида улар билан тизимли ишлашнинг янги механизмини жорий қилиш тўғрисида”ги ПФ-6003-сонли Фармонида тасдиқланган самарадорлик кўрсаткичига (КРІ) ҳали эришилмаган. “Фармонда 25 баллдан 27 баллга қўтарилиш вазифаси қўйилган. Лекин бор-йўғи 1 баллга (26 балл) қўтарилиш қайд этилган холос”, - дейди Сенат раиси⁷.

Пора олиш жинояти фош этишда криминалистик методлар ва тезкор-қидиув фаолиятининг имкониятларидан кенг фойдаланиш бутун дунёда коррупцияга қарши курашишнинг вазифаларини амалга оширишда муҳим шартларидан бирига айланмоқда.

Сўнгги йилларда давлат органлари зиммасидаги вазифа ва функцияларни бажаришда юзага келадиган пора олиш-беришга оид хавф-хатарларни баҳолаш тизимини такомиллаштириш ҳамда давлат хизматларига шаффофлик ва ҳалоллик стандартларини жорий этиш, бюрократик тўсиқларни бартараф этиш ва “яширин иқтисодиёт”ни қисқартириш ҳамда “коррупциясиз соҳа” лойиҳалари амалга оширилмоқда.

Ушбу лойиҳалар ижросини амалда таъминлаш мақсадида Ўзбекистон Республикасининг “Коррупцияга қарши курашиш тўғрисида”ги Қонуни, Ўзбекистон Республикаси Президентининг 2019 йил 27 майдаги “Ўзбекистон Республикасида коррупцияга қарши курашиш тизимини янада такомиллаштириш чора тадбирлари тўғрисида” ПФ-5729-сонли, 2020 йил 29 июндаги “Ўзбекистон Республикасида коррупцияга қарши курашиш тизимини такомиллаштириш бўйича қўшимча чора-тадбирлар тўғрисида” ПФ-6013-сонли Фармонлари қабул қилинган.

Хусусан, инсонпарвар ҳуқуқий демократик давлат ва фуқаролик жамиятини шакллантиришда порахўрлик ҳамда у билан боғлиқ бўлган жиноятларнинг олдини олиш, қўзғатилган жиноят ишлари бўйича

⁷ <https://www.gazeta.uz/uz/2021/03/30/corruption/>

исботланиши лозим бўлган барча ҳолатларни синчковлик билан, ҳар томонлама, тўла ва холисона текшириб чиқиш жиноятни фош этишда алоҳида аҳамият касб этади. Жумладан, Ўзбекистон Республикаси Президентининг 2017 йил 7 февралдаги ПФ-4947-сонли “Ўзбекистон Республикасини янада ривожлантириш бўйича Ҳаракатлар стратегияси тўғрисида”ги Фармонида қонун устуворлигини таъминлаш ва суд-хукуқ тизимини янада ислоҳ қилишнинг устувор йўналишларидан бири бўлган жиноятчиликка қарши қурашиш ва ҳуқуқбузарликларнинг олдини олиш тизимини такомиллаштириш бўйича коррупцияга қарши қурашишнинг ташкилий-ҳуқуқий механизмларини такомиллаштириш ва коррупцияга қарши қурашиш тадбирларининг самарадорлигини оширишга алоҳида эътибор қаратилган⁸.

Муаммонинг ўрганилганлик даражаси. Таъкидлаш зарурки, ушбу мавзу юзасидан давлатимиз ва хорижий мамлакатлар юридик адабиётларида олиб борилган илмий изланишлар сони салмоқли бўлсада, айнан пора олиш жиноятига оид тергов фаолияти бўйича қилинган ишлар етарли эмас. Юридик адабиётларда ушбу соҳадаги дастлабки тергов жараёнидаги айрим камчиликлар ва уларни бартараф этишга оид масалалар Р.А.Зуфаров, Е.В.Коленко, В.Каримов, С.О.Ўразбаев, И.Р.Астанов, Б.З.Каримов, А.Т.Бердиев, М.М.Хайдаров, Т.Р.Кускаров каби ҳуқуқшунос олимлар томонидан тадқиқ этилган.

Мазкур мавзу юзасидан чет мамлакатларда Р.В.Чупахин, А.Н.Халиков, Т.Б.Хачатурян, А.А.Черкесова, О.В.Губанова, М.В.Лямин, Н.А.Домашенко, С.А.Бабич, Т.В.Филатова, В.В.Крюков, Н.А.Домашенколар томонидан тадқиқот олиб борилганлигини ҳам қайд этиб ўтиш зарур. Бироқ, ушбу тадқиқот ишлари хорижий мамлакатлар қонунчилиги ва амалиёти нуқтаи назаридан амалга оширилганлигини инобатга оладиган бўлсак, мазкур масалани илмий таҳлил қилиш муҳим

⁸ Ўзбекистон Республикаси Президентининг 2017 йил 7 февралдаги ПФ-4947-сон “Ўзбекистон Республикасини янада ривожлантириш бўйича Ҳаракатлар стратегияси тўғрисида”ги Фармони.

аҳамият касб этади, деган хулосага келиш мумкин. Айниқса, давлатимизда шахс хуқуқ ва эркинликлари устуворлиги янада мустаҳкамланаётган ҳамда олий қадрият сифатида эъзозланаётган бир шароитда, ушбу муаммо янада муҳим аҳамият касб этиб бормоқдаки, бу ўз навбатида мушоҳада юритишга ундаиди.

Тадқиқот обьекти прокуратура органлари томонидан пора олиш жинояти юзасидан дастлабки тергов ҳаракатларини ўтказиши ва тергов давомида юзага келадиган тизимли камчиликларни бартараф этишга қаратилган чора-тадбирларни ишлаб чиқиши ҳисобланади. Жиноят-процессуал қонунчилигига қўра пора олиш жинояти бўйича, шунингдек қонунда кўрсатилган айрим тоифадаги мансабдор шахсларнинг жиноятларига доир ишлар бўйича дастлабки тергов прокуратура органларининг терговчилари томонидан олиб борилиши белгиланганлиги сабабли, ушбу тадқиқот иши прокуратура фаолиятига даҳлдор ҳисобланади. Мазкур тадқиқотни амалга оширишда Россия, Белоруссия, Қозоғистон, АҚШ, Буюк Британия, Франция, Италия каби давлатларнинг тадқиқотга оид хуқуқ нормалари ўрганилиб, таҳлил қилинди.

Тадқиқот предмети пора олиш жинояти бўйича дастлабки тергов ҳаракатларини ўтказишнинг ташкилий, жиноят-хуқукий ва жиноят-процессуал имкониятларини илмий ва амалий жиҳатдан атрофлича ўрганишдан иборат.

Тадқиқотнинг мақсади пора олиш жинояти бўйича дастлабки тергов ҳаракатларини ўтказишни тизимли ташкил этиш ва юзага келадиган камчиликларни ёритиш орқали диссертациядан фойдаланувчиларнинг бундан хабардор бўлишини таъминлаш, уларни бартараф этиш юзасидан илмий ва амалий таклифлар ишлаб чиқиши ҳисобланади.

Тадқиқотнинг вазифалари қўйидагилардан иборат:

- пора олиш жинояти криминалистик тавсифи ва ушбу жиноятни содир этилиш сабабларини ўрганиш;

- тадқиқот мавзусига оид назарий-хукукий тушунчаларни такомиллаштириш;
- пора олишга оид ариза ва хабарларни текширишни ташкил этиш;
- пора олиш билан боғлиқ жиноят ишини қўзғатишда аниқланиши лозим бўлган ҳолатларни ёритиш;
- тадқиқотга оид айрим хорижий давлатлар тажрибасини ўрганиш;
- пора олиш жиноятини тергов қилишда айрим тергов ҳаракатларини ўтказишни таҳлил қилиш;
- дастлабки тергов давомида жиноятнинг сабаблари ва унинг содир этилишига имкон берган шарт-шароитларни бартараф қилиш масалаларини ёритиш;
- пора олиш жинояти бўйича дастлабки терговни такомиллаштириш юзасидан аниқ таклиф ва тавсиялар ишлаб чиқиши.

Тадқиқотнинг илмий янгилиги шундан иборатки, хуқуқшунос олимлар томонидан пора олиш жинояти бўйича терговни ташкил этиш масаласи алоҳида тадқиқ этилмасдан, балки порахўрлик жиноятларининг бир тури сифатида ўрганилган. Пора олиш жиноят бўйича дастлабки терговни тизимли ташкил этиш ва тергов давомида юзага келадиган камчиликларни бартараф этиш масалалари магистрлик диссертацияси даражасида Р.А.Зуфаров томонидан 1994 йилда тадқиқ этилган. Шунингдек, мазкур тадқиқот ишида пора олиш жинояти бўйича уни фош этиш ва тергов қилишнинг долзарб масалалари таҳлил қилиниб, илмий-назарий хулосалар асосида Ўзбекистон Республикасининг айрим қонун ҳужжатларини такомиллаштириш бўйича ишлаб чиқилган таклиф ва тавсиялар пора олиш жиноятини тергов қилишда ўз самарасини беради.

Тадқиқот мавзуси бўйича адабиётлар шархи. Тадқиқотни амалга оширишда унинг назарий қисмига оид маълумотларни ёритишида миллий ва хорижий адабиётлар, интернет сайtlари ҳамда турли ёзма адабиётлардан, амалий қисмида эса Ўзбекистон Республикасининг қонун ҳужжатлари, хуқуқни қўллаш амалиётига доир амалий материаллардан,

хукуқни муҳофаза қилувчи давлат органларининг қўшма кўрсатмалари, Бош прокурор буйруқларидан фойдаланилган.

Тадқиқотда қўлланилган методика. Илгари сурилган вазифаларни ҳал этишда илмий тадқиқотнинг тизимли, қиёсий-хукуқий, таҳлилий ва мантиқий-юридик усулларидан фойдаланилган. Бу усулларнинг жами муайян даражада диссертация тадқиқот натижаларини тўлиқ англаш имконини беради. Тадқиқотнинг амалий қисмида қўлланилган асосий методика – бу қиёсий-хукуқий метод бўлиб, юридик фанлар доктори З.М.Исломовнинг фикрича, бир вақтнинг ўзида ёки ўтмишнинг турли даврларида мавжуд бўлган билишнинг ўхшашиб объектларини таққосламай туриб, хукуқ амалиётини ислоҳ қилиб ёки такомиллаштириб бўлмайди⁹.

Тадқиқот натижаларининг назарий ва амалий аҳамияти. Тадқиқотнинг назарий аҳамияти шундан иборатки, тадқиқот жиноят хукуқи ва жиноят-процессуал хукуқи назариясининг ривожланишига муайян ҳисса қўшади. Тадқиқот натижалари “Жиноят хукуқи” ва “Жиноят процесси” фанларидан маъруза ва семинар машғулотлари олиб борища фойдаланиш мумкинлиги унинг назарий аҳамиятидан далолат берса, тадқиқот ишида баён этилган таклиф ва тавсиялардан Ўзбекистон Республикаси Жиноят кодекси ва Жиноят-процессуал кодексларини такомиллаштириш, пора олиш бўйича дастлабки терговни амалга оширишда фойдаланиш мумкинлиги унинг амалий аҳамиятини намоён этади.

Иш тузилмасининг тавсифи. Диссертация унда таҳлил қилинган муаммоларнинг моҳиятидан келиб чиқиб, кириш, олти параграфдан иборат уч боб, хulosа, фойдаланилган адабиётлар рўйхати ва диссертацияда баён этилган таклифларга асос бўлувчи иловалардан иборат.

⁹ З.М.Исломов. Давлат ва хукуқ назарияси.Т.: Адолат, 2007 йил. 27-бет.

І БОБ. ПОРА ОЛИШ ЖИНОЯТИ ВА УНИНГ КРИМИНАЛИСТИК ТАВСИФИ.

1.1. Пора олиш жинояти ва уни содир этилишининг айрим масалалари

Порахўрлик–бошқарув органлари фаолияти тартибига қарши қаратилган уч мустақил мансаб жиноятлари – пора олиш, пора бериш ва пора олиш-беришда воситачилик қилишни ўз ичига оладиган атама. Санаб ўтилган ҳар бир тажовуз ЖК 210-212-моддаларида назарда тутилган жиноятлар билан боғлиқ бўлмаган ҳолда содир этилиши мумкин эмас. Улар бир-бири билан шу даражада боғлиқ бўладики, пора олиш фактининг мавжуд эмаслиги пора бериш фактини ҳам истисно этади.

Пора олиш жинояти ҳокимият ва бошқарув асосларини емирадиган, унинг халқ олдидаги обрўсига путур етказадиган, таъсир кучига шубҳа уйғотадиган, иқтисодиётни ривожига кескин тўсиқ бўладиган ва рақобат муҳитини синдирадиган, фуқароларнинг қонуний ҳуқуқ ва манфаатларига дахл қиласиган хавфли жиноий ҳодисанинг нисбатан кўп тарқалган ва ўзига хос ҳодисаси ҳисобланади.

Пора олиш жинояти тушунчаси ҳуқуқшунос олимлар томонидан турлича таърифланади. Жумладан, Н.Д.Дурманов, Н.Г.Кучерявий, Ш.Г.Папиашвили, А.Б.Сахаров ва бошқалар пора олиш бу иккита мажбурий жиноятдан иборат элементлар (харакат) – пора олиш ва бериш алоҳида мустақил жиноят таркибини ташкил этмасдан, балки бир-бирига чамбарчас боғлиқ бўлган ажралмас жиноятлардир деб таърифлаган¹⁰.

Яна бошқа бир гуруҳ олимлар, Б.В.Здравомыслов, В.Ф.Кириченко, В.Е.Мельникова, Н.А.Стручков, М.Д.Шаргородский ва бошқалар эса пора

¹⁰ Дурманов Н. Уголовная ответственность за взяточничество по действующему советскому законодательству //Проблемы соц. права. Сборник II М., 1937. - С. 23. Кучерявый Н.П. Ответственность за взяточничество по советскому уголовному праву. М., 1957. - С. 41 - 42. Папиашвили Ш.Г. Должностные преступления в теории уголовного права, законодательстве и судебной практике. - Тбилиси, 1988 г. - С. 176 - 179.

олиш, бериш ва воситачилик қилиш бир-биридан алоҳида жиноятлар деб таърифлашган¹¹.

А.А.Жижиленко, Ю.И.Ляпунов, А.Н.Траинин, А.Я.Светлов ва бошқалар эса пора олишни пора беришга шерикликнинг алоҳида ҳолати деб ҳисоблаб, муҳимлиги ва зарурияти туфайли қонун чиқарувчи томонидан алоҳида жиноят таркибига ажратилган¹².

Порахўрлик бўйича илмий изланишлар олиб борган хукуқшунос олим Р.А.Зуфаров “пора олиш – мансабдор шахснинг ўз хизмат мавқеидан фойдаланган ҳолда содир этиши лозим ёки мумкин бўлган ҳаракатларни пора берадиган шахснинг манфаатларини кўзлаб муайян ҳаракатни кўзлаб бажариши ёки бажармаслиги эвазига, ёхуд ўз мансаб мавқеига кўра бундай ҳаракатларга (ҳаракатсизликка) кўмаклашганлиги, шунингдек, умумий ҳомийлик ёки бепарволик қилганлиги учун шахсан ёки воситачи орқали, қонунга хилоф эканлигини била туриб, моддий қимматлар олиши ёки мулкий наф кўриши¹³” деб таъриф берган.

Хорижий давлатлар жиноят кодексларида пора олиш жиноятига турлича таърифлар берилганига гувоҳ бўлишимиз мумкин.

Хусусан, Россия Жиноят кодекси 290-моддасида пора олиш – мансабдор шахс, хорижий мансабдор шахс ёки халқаро ташкилотнинг мансабдор шахси шахсан ёки воситачи орқали пул, қимматли қофоз, бошқа мол-мулк ёки мол-мулк кўринишидаги хизматлар кўрсатиш, мулкий хукуқларни бериш кўринишидаги порани пора берган шахс ёхуд учинчи шахсларнинг манфаатларини кўзлаб муайян ҳаракат (ҳаракатсизлик) ни бажариши, агар унинг ўз хизмат вазифасига кирса ёки ҳаракат (ҳаракатсизлик) ни амалга ошириш бўйича мансаб мавқеига эга бўлса, шунингдек, хизматдаги умумий ҳомийлик ва қелишув деб таърифланган.

¹¹ Кириченко В.Ф., Бойцов Б.В. Взяточничество // Уголовная ответственность за хищения государственного или общественного имущества, хозяйственные преступления и взяточничество. - М., 1967 г., - С. 184.

¹² Жижиленко А.А. Должностные (служебные) преступления (Глава III Уголовного кодекса). - М., 1927 - С. 82, Трайнин А.Н. Уголовное право. Особенная часть. - М., 1943. - С. 290.

¹³ Р.А.Зуфаров. Порахўрликка қарши курашнинг жиноят хукукий ва криминологик жиҳатлари: назария ва амалиёт. Диссертация. Т.: 2005. Б-18.

Белоруссия Жиноят кодексининг 430-моддасида мансабдор шахснинг ўзи ёки яқин қариндошлари учун моддий неъматларни ёки лавозими билан боғлиқ бўлган имтиёзларни олиши, ҳомийлик ёки хизматдаги келишув, унинг ваколатига кирадиган масалаларни ижобий ҳал қилиш ёки пора берувчи ёхуд унинг вакили бўлган шахсларнинг манфаатлари учун ўзининг мансаб ваколатларидан фойдаланган ҳолда амалга ошириши керак бўлган ёхуд бажариши мумкин бўлган ҳар қандай ҳаракатлар – пора олиш деб тушунилиши белгиланган.

Қозоғистон Республикаси Жиноят кодексининг 366-моддасида давлат вазифаларини бажараётган шахс ёки унга тенглаштирилган шахс, ёхуд масъул давлат лавозимини эгаллаган шахс, шунингдек чет давлат ёки ҳалқаро ташкилотнинг мансабдор шахси шахсан ўзи ёки воситачи орқали пул, қимматли қофозлар ва бошқа мол-мулк шаклидаги порани пора берувчи ёки унинг вакили бўлган шахсларнинг манфаатларини кўзлаб ўзининг хизмат ваколатларига кирадиган муайян ҳаракат (ҳаракатсизлик)ни бажариши, шунингдек умумий ҳомийлик ва келишувга эришиши пора олиш жинояти таркибини ташкил этиши белгиланган.

Юридик энциклопедияда “пора олиш - мансабдор шахсининг ўз хизмат мавқеидан фойдаланган ҳолда содир этиши лозим ёки мумкин бўлган муайян ҳаракатни пора бераётган шахснинг манфаатларини кўзлаб бажариши ёки бажармаслиги эвазига шахсан ўзи ёки воситачи орқали қонунга хилоф эканлигини била туриб, моддий қимматликлар олиши ёхуд мулкий наф кўриши” деб таъриф берилган¹⁴.

Амалдаги қонунчиликка кўра, Ўзбекистон Республикаси ЖКнинг 210-моддаси 1-қисми диспозицияси тасвирловчи диспозиция бўлиб, унда пора олиш жиноятининг тавсифи берилган. Унга кўра, пора олиш, яъни давлат органи, давлат иштирокидаги ташкилот ёки фуқароларнинг ўзини ўзи бошқариш органи мансабдор шахсининг ўз хизмат мавқеидан фойдаланган ҳолда содир этиши лозим ёки мумкин бўлган муайян

¹⁴ Юридик энциклопедия . – Тошкент: Адолат, 2010. – Б. 368.;

ҳаракатни пора бераётган шахснинг манфаатларини кўзлаб бажариши ёки бажармаслиги эвазига шахсан ўзи ёки воситачи орқали қонунга хилоф эканлигини била туриб, моддий қимматликлар олиши ёхуд мулкий манфаатдор бўлишидир.

Ушбу берилган таърифдан келиб чиқиб, пора олиш жинояти тушунчасини қуидагича тавсифлаш мумкин:

- давлат органи – давлат ўз вазифаларини амалга ошириш ваколатини берган фуқаро ёки фуқаролар жамоаси. Давлат органига давлат-ҳокимияти ваколатлари берилади, у белгиланган тартибда тузилади ва фаолият кўрсатади, давлат органларининг ягона тизимида ўз ўрнини эгаллайди¹⁵ деб таъриф берилган;
- давлат иштирокидаги ташкилот — устав фондида давлат улуши мавжуд бўлган тижорат ташкилоти ёхуд тўлиқ ёки қисман давлат органи томонидан ташкил этилган ёки таъсис этилган нотижорат ташкилоти ¹⁶деб Вазирлар Маҳкамасининг 2018 йил 7 майдаги 341-сон қарорига 1-иловаси “Давлат органларида, давлат муассасаларида ва давлат иштирокидаги ташкилотларда жисмоний ва юридик шахсларнинг мурожаатлари билан ишлаш тартиби тўғрисида”ги намунавий Низомда таъриф берилган;
- фуқароларнинг ўзини ўзи бошқариш органлари - шаҳарчалар, қишлоқлар ва овлулар, шунингдек шаҳарлардаги, шаҳарчалардаги, қишлоқлардаги ҳамда овлулардаги маҳаллалар фуқаролар йигинлари фуқароларнинг ўзини ўзи бошқариш органлариdir. Фуқароларнинг ўзини ўзи бошқариш органлари давлат ҳокимияти органлари тизимиға кирмайди ва қонун хужжатлари билан берилган ўз ваколатларини тегишли худуд доирасида амалга оширади ¹⁷деб 2013 йил 22 апрелдаги “Фуқароларнинг

15 Конституциявий хукуқ. Энциклопедик лугат. Масъул мухаррир ва муаллифлар жамоасининг раҳбари Б. Мустафоев - Тошкент: «Ўзбекистон нашриёти», 2006 йил. - 584 бет.

16 Вазирлар Маҳкамасининг 2018 йил 7 майдаги 341-сон қарорига 1-иловаси “Давлат органларида, давлат муассасаларида ва давлат иштирокидаги ташкилотларда жисмоний ва юридик шахсларнинг мурожаатлари билан ишлаш тартиби тўғрисида”ги намунавий Низом, Умумий қоидалар.

¹⁷ 2013 йил 22 апрелдаги “Фуқароларнинг ўзини ўзи бошқариш органлари тўғрисида”ги ЎРҚ—350-сонли Конуни, 8-модда.

ўзини ўзи бошқариш органлари тўғрисида”ги Ўзбекистон Республикасининг қонунида таъриф берилган;

- мансабдор шахс – доимий, вақтинча ёки маҳсус ваколат бўйича тайинланадиган ёки сайланадиган, ҳокимият вакили вазифаларини бажарадиган ёхуд давлат органларида, фуқароларнинг ўзини ўзи бошқариш органларида, мулк шаклидан қатъий назар, корхоналарда, муассасаларда, ташкилотларда ташкилий-бошқарув, маъмурий-хўжалик вазифаларини амалга оширадиган ва юридик аҳамиятга эга ҳаракатларни содир этишга ваколат берилган шахс, худди шунингдек халқаро ташкилотда ёхуд чет давлатнинг қонун чиқарувчи, ижро этувчи, маъмурий ёки суд органида мазкур вазифаларни амалга оширувчи шахс¹⁸;

- хизмат мавқеидан фойдаланиш – кенг маънода, шахснинг ўз хизмат вазифасига кирувчи ваколатлари, мажбуриятларини бузишда ифодаланади¹⁹. Шунингдек, мансабдор шахс томонидан ўз хизмат мақеидан фойдаланиш деганда, нафақат мансабдор шахс ваколатига кирадиган ҳаракатларни содир этиш, балки пора берувчи манфаатларида бошқа мансабдор шахсларга таъсир этиш орқали уларнинг ваколатларидан фойдаланган ҳолда муайян ҳаракатлар содир этиш ҳам тушунилади²⁰ деб таъриф берилган;

- қонунга хилоф фаолиятни у ёки бу ташкилот доирасида хизмат фаолиятини амалга ошириш доирасида тўғридан-тўғри тақиқланган ёки номақбул деб белгиланган қилмишлар ташкил этади²¹.

Мазкур жиноятда порани қонунга хилоф эканлигини билгани ҳолда мансабдор шахс ўз мансаб мавқеидан фойдаланган ҳолда бажариши лозим ёки мумкин бўлган муайян ҳаракатни бажарганлиги ёхуд бажармаганлиги учун олади. Жиноятни квалификация қилишда мансабдор шахснинг моддий қимматликларни қачон олгани, яъни – пора бераётган шахс

¹⁸ Ўзбекистон Республикаси ЖКнинг 8-бўлими, Атамаларнинг ҳуқуқий маъноси.

¹⁹ Ўзбекистон Республикаси Жиноят ҳуқуқи курси. V том. Маҳсус қисм. М.Х.Рустамбаев

²⁰ Ўзбекистон Республикаси Жиноят ҳуқуқи курси. IV том. Маҳсус қисм. М.Х.Рустамбаев

²¹ Порахўрлик жиноятлари тўғрисидаги ариза ва хабарларни қабул қилиш, жиноятларни фош этиш ва хужжатларни расмийлаштириш. Амалий кўлланма. И.Астанов. 2016 йил

манфаатларини кўзлаб муайян ҳаракатни содир этишидан олдин ёки кейин олганлиги аҳамиятга эга эмас.

Мазкур жиноятда субъект давлат органида, давлат иштирокидаги ташкилотда, яъни устав фондида давлат улуши мавжуд бўлган тижорат ташкилоти ҳамда тўлиқ ёки қисман давлат органи ёки давлат ташкилоти томонидан ташкил этилган ёки таъсис этилган нотижорат ташкилотида, шунингдек фукароларнинг ўзини ўзи бошқариш органида мансабдор шахс лавозимида ишловчи ходим ҳисобланади²².

Хўш, нима учун мансабдор шахслар пора олади?

Россиялик психотерапевт, психолог, доцент, психология фанлари номзоди Рамиль Гарифуллин бунда порахўрнинг шахсини хам ҳисобга олиш ва илмий-психологик концепцияга таяниш керак эканлигини айтади. Р.Р.Гарифуллин ўтказган илмий тадқиқот натижаларига кўра, пора оловчи шахслар орасида психологик қарам шахслар – “пораманлар”нинг борлигига аҳамият бериш керак бўлади. Улар кимлар? Наркомания, алкогализм, клептомания, порамания каби деструктив патологик қарамликлардагидек “пораманлар” шахсини даволашга, коррекция қилишга аҳамият бериш лозим.

Мия структурасига қарамликка жавоб берадиган тузилмалар киради. Аммо локал қарамлик марказлари мавжуд эмас. Қарамлик дунёси жуда кенг. Порамания бошқа қарамликлардаги каби хамма босқичлардан иборат. Пораманияда психологик қарамлик кучли бўлиб, у пора олмай қўйса, депрессив синдром устунлик қилган абстинет синдроми (халқ тилида “ломка”) юзага келади. Навбатдаги “дозани” қўлга киритганда эса, эйфория кузатилади худди наркоманлардаги каби.

Р.Р.Гарифуллин ўтказгасн тадқиқот натижаларига кўра, пораманиянинг 4 та босқичи ажратилар экан:

²² Порахўрлик жиноятлари тўғрисидаги ариза ва хабарларни қабул қилиш, жиноятларни фош этиш ва хужжатларни расмийлаштириш. Амалий қўлланма. И.Астанов. 2016 йил

1-босқич: умрида бир марта пора олиш ва буни бошқа тақрорламаслик, хатто унтиб юбориш. Бу босқич кўпчиликни бошидан ўтган бўлади, бу ишларнинг ёқимсиз белгиларини сезганлар шу босқичдан бошқа босқичларга ўтишмайди;

2-босқич: 1-босқичдан бемалол ёқимсиз ҳолатга тушмаганлар кейинги босқичда пораманларга айланишади. Порахўр кейинги пора олиш хақидаги образларни хаёлида айлантиради, пора олиш жараёнини қўмсайди, яъни обсессив фикрлар пайдо бўлади. Энди унга маслаҳатлар кор қилмайди. Омадим чопган дея, кейинги дозани олишга интилаверади ва бунинг учун ўлжасини актив равища излайди;

3-босқич: пора олмаса, ахволининг ёмонлашиши, яъни депрессив синдром белгилари (эрталабдан ёмон кайфият, уйқу бузилиши, қадриятларнинг ўзгариб кетиши, авваллари хурсанд бўладиган сабаблардан лаззат ола олмаслик) намоён бўла бошлайди. Приоритетда фақат сохта қадрият сифатида пора олиш допинги қолади. Бу босқичда турғун даврийлик юзага келиб, пора берадиган ўлжаларни қидириш ва самарадор коррупцион схемалар ишлаб чиқилади;

4-босқич: доимий пора оқимида яшаб, реалликдан ажралиб қолади. Порасиз хаётни тасаввур эта олмайди, аммо олаётган пора миқдори ошиб бораверса-да, аввалгидек эйфорияни топа олмайди. Хурсанд бўлиш мақсадида, аввалги хуморни топиш мақсадида дозани ошириб бораверади. Аммо энди порасиз яшай олмайди. Афсуски бундай одам фақатгина қамоққа тушибгина, порадан воз кечиши мумкин²³.

Р.Р.Гарифуллин “Порахўрликни психологик коррекция қилиши психолого-профилактик курси” дастурини яратиб, корхона ва ташкилотлар раҳбарларини ва шунинг билан бирга коррупцияни олдини олишни истаганларни ушбу курс орқали ўқитишни ташкил этган ва доимий равища ижтимоий тармоқлар орқали аҳолининг ҳуқуқий онгини

²³ <https://telegra.ph/PORAMANIYA-YOHUD-PORAHЎRLIK-MUAMMOSINI-BARTARAF-EHTISHGA-PSIHOTERAPEVTIK-YONDASHUV-04-21>

юксалтириш ва порахўрликка қарши муросасиз курашишга чорлаб келмоқда.

Жамиятимизда эса халқ орасида тугруқхонада шифокорнинг қўлига “суюнчи” бериш, автомашинани салондан чиқишини тезлаштириб бериш эвазига “шапка” бериш, ишга жойлашиш учун пул бериш, жарима ёзмаслик ёки жаримани камайтириш эвазига ЙҲҲБ ходимига пул бериш ва бошқа шунга ўхшаш тушунчалар кенг авж олган. Халқ назарида “пора олиш” деганда қора курсида галстук тақиб ўтирган, бир қўли билан пул солинган конвертни олаётган ва бир қўли билан қоғозга имзо чекаётган амалдор кўз ўнгига келади.

Жиноий-хукукий маънода “порахўрлик”ка қарши курашиш энг аввало, унинг бир кўриниши бўлган “пора олиш” жиноятини очиш, тергов қилиш ва унинг олдини олишдан иборат. Пора олиш кенг оммалашган, лекин очиш ва тергов қилиш мураккаб бўлган жиноят тури ҳисобланади. Порахўрликда жиноят субъектларининг одатий алоқа схемаси қуйидагича: пора берувчи – пора оловчи, баъзан эса пора берувчи – воситачи – пора оловчидан иборат. Ушбу жиноятни ниқоблашнинг турли усуллари бор: “совға қилиш”, “қарз бериш”, корхонанинг штатига ишчи, ходим сифатида қабул қилиш ва маош тўлаш ёки моддий рафбатлантириш ва бошқалар. Унинг мураккаблиги шундаки, биринчидан, унинг барча иштирокчилари – пора оловчи ва пора берувчи ўзининг жиноий ҳаракати изларини яширишдан манфаатдор, чунки жиноят фош этилса, пора олиш ва пора беришга ҳам жавобгарлик муқаррар. Шунинг учун мазкур тоифадаги жиноятлар аксарият ҳолларда гувоҳларсиз ва жиноят излари ниқобланган ҳолда содир этилади.

Иккинчидан, кўп ҳолларда пора қонуний ҳаракатларни тезлаштириш учун олинади ёки ташқаридан унга қонуний ҳаракат туси берилади. Гувоҳлар бўлмаганда, бу шароит ҳам пора олиш жиноятини очиш масаласини мушкуллаштиради.

Учинчидан, пора олиш жиноятини очиш ва тергов қилишда эгри далиллар устунлик қиласи. Уларнинг тадқиқ этилаётган ҳодиса ва воқеалар билан турли алоқалари кўп босқичли исботлаш жараёнини талаб этади.

Баъзи ҳолларда вазиятга қараб, жиноятга алоқадор шахсларнинг бармоқ излари пора предметида ўрамда қолади, баъзан эса пора олишнинг бошқа излари ҳам сақланиб қолади (товар чеклари, этикеткалар, пул, қимматбаҳо нарсалар, шахсий ёзувлар ва бошқалар). Ушбу криминалистик излар жиноятни очишни тезлаштирувчи омиллардир.²⁴

Мансабдор шахсни пора олганлиқда айблаш учун пора предметини аниқлаш ва топиш муҳим саналади. Пора – пораҳўрлик жиноятининг предметини ўзида акс эттирган тушунчадир. Яъни, ўз хизмат мавқеидан фойдаланган ҳолда содир этиши лозим ёки мумкин бўлган муайян ҳаракатни бошқа шахснинг манфаатларини кўзлаб бажариши ёки бажармаслиги эвазига мансабдор шахсга бериладиган моддий қимматликлар ёки бошқа мулкий манфаатларни ўзида акс эттирган предмет пора ҳисобланади.

Ўзбекистон Республикаси Олий суди Пленумининг 1999 йил 24 сентябрдаги “Пораҳўрлик ишлари бўйича суд амалиёти тўғрисида”ги қарорининг 2-бандига кўра, пул, қимматбаҳо қофозлар, моддий бойликлар, шунингдек пора оладиганга қайтармаслик шарти билан, лекин мулкий моҳиятга молик бўлган (масалан, таъмирлаш, қурилиш, қайта тиклаш ишларини бажариш ва бошқалар) хизматлар пора предмети бўлиши мумкинлиги белгилаб қўйилган.

Суд-тергов амалиёти шуни қўрсатадики, пора предмети сифатида кўпинча нақд пул, турли қимматбаҳо буюмлар ва нарсалар, саноат маҳсулотлари, озиқ-овқат маҳсулотлари, чорва моллари ва паррандалар берилади. Баъзан, пора квартира, савдо дўкони ёки бошқа нотурар жой

²⁴ М.Курбонов, Б.Хамидов, О.Ганиев, Б.Каримов. Коррупцион жиноятларни тергов қилиш услубиёти. Ўкув қўлланма – Т.: ТДЮУ, 2020. -110 б. 10-бет.

билин таъминлаш ёхуд бозор нархларидан жудаям паст нархларда сотиш, қарз бериш, илгари берилган қарзнинг тўлов муддатини узайтириш, бирор ишни текинга бажариш (масалан, уйни ремонт қилиб бериш, кийим тикиб бериш ва ҳаказо) шаклда ҳам учрайди.

Пора - мулкий манфаат ҳусусиятига ёки муайян қийматга эга бўлиши, яъни иккинчи томон (хизматчи) ундан қандайдир мулкий ёки бошқача манфаат кўриши лозим. Агар хизматчи бирор мулкий ёки бошқача наф кўрмаса, унинг қилмишини порахўрлик билан квалификация қилиш мумкин эмас.

Пора олиш жинояти предмети нафақат моддий, балки номоддий ҳусусиятга эга бўлиши ҳам мумкин. Бироқ, ЖКнинг 210-моддасида мансабдор шахс фақатгина моддий қимматликлар олиши ёхуд мулкий манфаатдор бўлиши учунгина жавобгарлик белгиланган. Бунда пора предмети бўлиши мумкин бўлган номоддий қимматликлар ва номулкий кўринишдаги манфаатдор бўлиш мумкин бўлган ҳолатлар қонуннинг таъсири доирасидан четда қолган.

Ўзбекистон Республикаси Фуқаролик кодексининг 8-бобида номоддий неъматлар тоифасига қуидагилар киритилган:

- интеллектуал фаолият натижалари - фирма номи, товар белгиси, хизмат кўрсатиш белгиси ва ҳ.к.;
- хизмат ва тижорат сири - учинчи шахсларга номаълумлиги сабабли фан-техника, технология, ишлаб чиқариш, молия-иқтисодиёт соҳаларида ҳамда бошқа соҳаларда тижорат қимматига эга бўлган, қонуний асосда эркин фойдаланилмайдиган ахборот²⁵;
- шахсий номулкий ҳуқуқлар ва бошқа номоддий неъматлар - шахсий ҳаётининг дахлсизлиги, ҳусусий ва оиласиий сири, номга бўлган ҳуқуқи, тасвирга бўлган ҳуқуқи, муаллифлик ҳуқуқи, бошқа шахсий номулкий ҳуқуқлар;

²⁵ “Тижорат сири тўғрисида” ЎРҚ-374-сон. 11.09.2014 йил.

➤ шаън, қадр-қиммат ва ишчанлик обўсини ҳимоя қилиш киритилган.

Ушбу қайд этилган номоддий қимматликлар ва номулкий кўринишдаги манфаатдорлик бўлиш ҳолатларини киритиш бўйича қонунчиликка таклиф бериш мақсадга мувофиқ бўлади

Бундан ташқари, юқорида МДҲ давлатларининг жиноят қонунчилигида пора олиш нафақат пора берган шахснинг, балки пора берган шахс вакили ёхуд у маълум қилган бошқа шахсларнинг манфаатлари учун муайян ҳаракатларни содир этганлик учун жавобгарлик белгиланган. Шу сабабли, миллий қонунчилигимизда ҳам бошқа учинчи шахсларнинг манфаатларини кўзлаб қилинган ҳаракат учун жавобгарликни белгилаш мақсад мувофиқ бўлади.

Бундан ташқари, хорижий давлатлар қонунчилигида пора олиш жинояти нафақат ҳаракат билан, балки ҳаракатсизлик билан ҳам содир этилиши ҳам мумкинлиги қайд этилган. Ушбу ҳолатни ҳам жиноят қонуни таъсир доираси билан қамраб олиш келгусида юзага келиши мумкин бўлган тушунмовчиликларнинг олдини олади.

Юқоридагиларни инобатга олиб, ЖКнинг 210-моддаси 1-қисми диспозициясини “Пора олиш, яъни давлат органи, давлат иштироқидаги ташкилот ёки фуқароларнинг ўзини ўзи бошқариш органи мансабдор шахснинг ёхуд ҳокимият вакили, чет эл мансабдор шахси ёки оммавий халқаро ташкилот мансабдор шахснинг ўз хизмат мавқеидан фойдаланган ҳолда содир этиши лозим ёки мумкин бўлган муайян ҳаракатни пора бераётган ёки учинчи шахснинг манфаатларини кўзлаб бажариши ёки бажармаслиги эвазига шахсан ўзи ёки воситачи орқали қонунга хилоф эканлигини била туриб, моддий ёки номоддий қимматликлар олиши ёхуд мулкий ёки номулкий манфаатдор бўлиши” деб тўлдириш таклиф қилинади.

1.2. Пора олиш жинояти қриминалистик тавсифининг ўзига хос ҳусусиятлари.

Ҳар бир жиноят бошқаларидан фарқ қилгани ҳолда ўзининг содир этиш усули, шарт-шароити, вақти, жойи, субъектлари, мотив ва мақсади каби индивидуал ҳусусиятларига эга. Айнан ушбу ҳусусиятлар жиноятнинг қриминалистик характеристикаси ҳисобланади.

Пора олиш жиноятини содир қилиш усулининг ҳусусиятларини кўриб чиқишдан аввал “жиноят содир қилиш усули” тушунчасини таҳлил қилиб ўтамиз. Қриминалистикада бу тушунчани аниқлашда бир неча ёндашувлар мавжуд. 1970 йилда Г.Г.Зуйков жиноят содир қилиш усулини «... бир бирига боғлиқ жиноятни тайёрлашга, содир қилишга ва яширишга йўналтирилган, тегишли қуроллар ва воситалардан фойдаланган ҳолда бажарилган, шунингдек, вақт, жойи ва бошқа жиноят қилишга ҳамроҳ бўладиган бошқа ҳолатлар ҳаракатлар тизими»²⁶ деб таърифлаган. Бунда олим жиноят содир қилиш усуllibарини белгилайдиган 2 гурух факторларни ажратиб берди: ташқи ва ички. Ташқи факторлар қаторига у жиноий тажовуз предмети ва жиноят обьекти ҳусусиятларини, жиноят содир қилинаётган ташқи муҳит обьектив шароитларини, жиноят ва жиноий тажовуз предмети ўртасидаги обьектив алоқанинг мавжуд ёки мавжуд эмаслигини киритади. Жиноят содир қилишнинг ички факторларига Г.Г.Зуйков жиноят содир қилиш сабаби ва мақсади, жиноят субъектининг шахсий сифатлари, унинг билимлари, кўникмалари, маҳорати, одатлари, характеристиковчи кўриниши, шунингдек соматик ҳусусиятларини киритган. Олимларнинг ҳозирги замондаги “жиноят содир қилиш усули” тушунчаси тўғрисида фикрлашларини 2 гуруҳга бирлаштириш мумкин. Масалан, бир гуруҳ олимлар, И.Ф.Пантелеев, Н.П.Яблоков жиноят содир қилиш усулини жиноятнинг қриминалистик характеристикаси элементи деб қарайди²⁷.

²⁶Г.Г.Зуйков. Установление способа совершения преступления при помощи криминалистических экспертиз и исследований/Г.Г. Зуйков.-М., 1970.-е. 15-16.

²⁷Криминалистика: учебник / под ред. И.Ф.Пантелеева, Н.А.Селиванова. - М.: Юрид. лит., 1988 - с. 460-463; Криминалистика: учебник / отв. ред. Н.П. Яблоков. - 3-е изд., перераб. и доп. - М.: Юристъ, 2005. - с. 20-24.

Бошқа олимлар, С.В.Землюков, В.Е.Корноухов, жиноят содир қилиш усулини жиноий фаолиятга хос элементи сифатида кўради ва унинг мазмунини жиноят содир қилишнинг механизми билан ўзаро алоқаси орқали очиб беради²⁸. Жиноят содир қилиш усули В.Е.Корноухов томонидан “жиноятчиларни аниқлаш, жиноят изларини топиш ва аниқлаш мақсадида ишлатиладиган ҳаракатлар, усувлар ва операцияларнинг ўзгарувчан ҳаракатлар тизими»²⁹ деб белгиланган.

С.В.Землюковнинг айтишича жиноят содир қилиш усули, жиноят содир қилиш механизмида мақсад ва жиноий натижা ўртасида асосий ўринни эгаллаб, факатгина унга хос бўлган изларни қолдиради ва жиноят бўйича жиноят субъекти белгилари тўғрисида тўлиқ ахборотни бериши мумкин³⁰.

Умуман, бу икки позициялар ўртасида ҳеч қандай зиддият йўқ, чунки бирлари статик жиҳатни мустаҳкамлаб уни таркибий элементи сифатида криминалистик характеристикага киритса, бошқалари эса усулни жиноят содир қилиш механизмининг умумлаштирилган тушунчалар қаторига киритиб, жиноят содир қилишнинг динамик томонини таҳлил қиласидар.

Пора олиш кўпгина ҳолларда давлат ёки жамоат мулкини талонторож қилиш, хизмат ваколатларини суистеъмол қилиш ва бошқа жиноятлар билан боғлиқ. Пора олишнинг криминал тавсифи жиноят содир этишнинг қўйидаги типик ҳолатлари билан боғлиқ: а)пора берувчининг манфаатларини кўзловчи ноқонуний ҳаракатлар билан боғлиқ порахўрлик; б) пора берувчининг манфаатларини кўзловчи қонуний ҳаракатлар билан боғлиқ порахўрлик, масалан: уй-жой ёки бирор маблағ олишни тезлаштириш мақсадида; в) воситачиларсиз пора бериш ва олиш; г) воситачилар ёрдамида пора бериш ва олиш; д) тамагирлик йўли билан пора олиш; е) тамагирликсиз пора олиш³¹.

²⁸ Қаранг.: Яблоков, Н.П. Поел. указ. соч. С. 24.

²⁹ Қаранг.: Корноухов, В.Е. Поел. указ. соч. С. 174.

³⁰ Қаранг.: Курс криминалистики. Общая часть / отв. ред. В.Е. Корноухов. - М.; Юристъ, 2000. - с. 55.

³¹ “Криминалистика”. Дарслик. Ф.А.Абдумажидов умумий таҳрири остида. 2003 йил.

Қайд этиш лозимки, давлат хизматчисининг алоҳида ўзига хос фаолият, яъни давлат ва жамият ҳаётидаги ўта муҳим фаолият – давлат хизматини амалга оширишларини инобатга олиб, қолаверса уларнинг ҳуқуқий мақомидан келиб чиқиб ҳамда ўз хизмат вазифаларини тўлақонли амалга оширишларига эришиш мақсадида муайян чеклашлар ўрнатилади. Бундай чеклашлар давлат хизматчисининг хизмат фаолиятида ва кундалик хулқ-авторида рухсат этилган хатти-ҳаракатлар доирасини белгилайдиган таъзиқ қўринишидаги турли хил (сиёсий, иқтисодий, ташкилий-бошқарув) омиллар мажмуидан иборатdir.

Жумладан, давлат хизматчиларига ўз хизмат ваколати доирасида чет эллик давлат органларидан, фуқаролар ва юридик шахслардан турли қўринишдаги ҳақ олиши, давлат органининг обрў-эътиборига рахна солиши мумкин бўлган ҳаракатлар содир этиши, шунингдек ўз хизмат ҳуқуқидан шахсий манфаатлар учун фойдаланиши тақиқланади.

Бундай тақиқни бузган ҳолда, жумладан, мансабдор шахснинг бошқа шахсларнинг манфаатларини кўзлаб ҳақ эвазига муайян ҳаракат ёки ҳаракатсизликни амалга ошириши, фуқароларнинг бундай муносабатда мансабдор шахсларга пора бериши пора олиш жинояти таркибини вужудга келтиради.

Ўз навбатида бундай қилмиш, давлат хизматчиси томонидан конституциявий принципларнинг бузилишига олиб келади. Зоро, Ўзбекистон Республикаси Конституциясининг биринчи бўлимида мазкур қонуннинг асосий принциплари баён этилган бўлиб, унинг 2-моддасида давлат ҳалқ иродасини ифода этиб, унинг манфаатларига хизмат қилиши, давлат органлари ва мансабдор шахслар жамият ва фуқаролар олдида масъул эканликлари белгилаб қўйилган.

Пора олиш жиноятини содир этганлик учун 18 ёшга тўлган, ақли расо ва маълум бир лавозимни эгаллаб турган мансабдор шахслар жавобгарликка тортилади. Мансабдор шахс тушунчаси анча баҳсли ҳисобланади. Ўзбекистон Республикаси Жиноят кодексининг VIII

бўлимида мансабдор шахс - доимий, вақтингча ёки маҳсус ваколат бўйича тайинланадиган ёки сайланадиган, ҳокимият вакили вазифаларини бажарадиган ёхуд давлат органларида, фуқароларнинг ўзини ўзи бошқариш органларида, мулк шаклидан қатъи назар, корхоналарда, муассасаларда, ташкилотларда ташкилий-бошқарув, маъмурий-хўжалик вазифаларини амалга оширадиган ва юридик аҳамиятга эга ҳаракатларни содир этишга ваколат берилган шахс, худди шунингдек халқаро ташкилотда ёхуд чет давлатнинг қонун чиқарувчи, ижро этувчи, маъмурий ёки суд органида мазкур вазифаларни амалга оширувчи шахс эканлиги белгиланган,

Юридик адабиётларда мансабдор шахснинг жамоага умумий раҳбарлик қилиши деб тушуниш сингиб кетган. Ташкилий мажбуриятларни амалга ошириш – бу жамоат ишлаб чиқаришида алоҳида жамоалар ва ижтимоий гурӯҳлар фаолиятини мувофиқлаштириш ва тартибга солиш бўйича ҳаракатлардир.

Халқаро ташкилотда ёхуд чет давлатнинг қонун чиқарувчи, ижро этувчи, маъмурий ёки суд органида мазкур вазифаларни амалга оширувчи шахснинг мазкур тоифаси ЖКга Ўзбекистон Республикасининг 2015 йил 20 августдаги “Ўзбекистон Республикасининг айрим қонун ҳужжатлариға хусусий мулкни, тадбиркорлик субъектларини ишончли ҳимоя қилишни янада кучайтиришга, уларни жадал ривожлантириш йўлидаги тўсиқларни бартараф этишга қаратилган ўзгартиш ва қўшимчалар киритиш тўғрисида”ги Конунига мувофиқ киритилди. ЖКда олдинги нормада мансабдор шахснинг бундай тоифаси ажратилмаган эди. ЖКга мазкур ўзгартириш халқаро ҳужжатлар нормаларини миллий қонунчиликка имплементация қилиш натижасида киритилди.

БМТнинг 2003 йил 31 октябрдаги Коррупцияга қарши конвенциясининг 2-моддасида “хорижий оммавий мансабдор шахс” ҳамда “оммавий халқаро ташкилотнинг мансабдор шахси” атамалари кўлланилган. Унга кўра, “хорижий оммавий мансабдор шахс” деганда,

хорижий давлатнинг қонунчилик, ижроия, маъмурий ёки суд органида бирон лавозимни эгаллаб турган ҳар қандай тайинланадиган ёки сайланадиган шахс ва хорижий давлат учун, шу жумладан оммавий муассаса ёки оммавий корхона учун бирон оммавий вазифани бажарадиган шахс кўзда тутилади.

“Оммавий халқаро ташкилотнинг мансабдор шахси” деганда, халқаро ташкилот хизматчиси ёки бундай ташкилот томонидан унинг номидан иш юритиш ваколати берилган ҳар қандай шахс назарда тутилади.

Мансабдор шахс лавозимига тайинланиши ёки сайланиши, шунингдек, бундай ваколат доимий, вақтинча ёки маҳсус ваколат бўлиши мумкин. Шахсни мансабдор деб топиш учун унинг зиммасига юкланган ваколатларини ижро этишдаги вақт оралиқлари, яъни у мансабни доимо ёки вақтинча эгаллаши аҳамиятга эга эмас.

Хозирги пайтда фуқаро жамоат комиссияси аъзоси бўлганда, судда халқ маслаҳатчиси ва шу каби вазифаларни бажарганда мансабдор шахс вазифаларини вақтинча ижро этиш ҳисобланади.

Айрим криминалистик адабиётларда пора оловчи шахс учун қўйидаги мотивлар устунлик қилиши кўрсатиб ўтилган:

- шахсий бойлик орттиришда афзалликлар (имтиёзлар)га эга бўлиш (шахсий даромадни ошириш);
- хизматдаги саъй-харакатлари ўрнини “қоплаш” ёки бунинг учун тўлов ундириш;
- шахсий муаммолар ёки қарзни қайтариш;
- учинчи шахслар (эр-хотинлар, яқин қариндошлар) учун моддий афзалликларни яратиш;
- мансабга боғланиб қолиш, хизмат ўсишларини тўхтатиб қолинишини олдини олиш;
- ишчилар билан муносабатларни совуклашиши;
- устамаларни мустақил белгилаш хисси;

- кўшимча даромад учун орзуси;
- ортиқча хизмат талаблари;
- ортиқча эҳтиёжлар;
- нуфуз мотивлари ва бошқалар³².

Жиноятнинг криминалистик тавсифининг яна бир элементи бу жиноятни содир этиш механизмини татқиқ этишдир. Пора олиш жиноятининг механизми деганда жиноятга тайёргарлик кўриш, уни содир этиш ва яшириш билан боғлиқ жиноятчининг специфк ҳаракатлари мажмуюи тушунилади.

Пора оловчи жиноятга тайёргарлик кўришни қонун ҳужжатларидаги лазейкалар, виктимиологик ҳусусиятлар ва назорат қилувчи органлар ва улардаги муҳитни ўрганишдан бошлайди. Буни қуйидаги алгоритм орқали кузатиш мумкин:

- пора берувчи шахсларни қидириш;
- шахсан ёки воситачилар орқали пора берувчи билан порани олиш шарт-шароитлари бўйича музокаралар олиб бориш;
- пора олиш учун товламачилик қилиш ҳаракатлари;
- порани пора берувчидан тўғридан-тўғри ёки воситачи орқали ёхуд бошқа яширин усулларда қабул қилиш;
- жиноятни яшириш ҳаракатлари;
- порахўрнинг фойдасига расмий ёки ноқонуний ҳаракатларни амалга ошириш кузатилади³³.

Пора олиш орқали жиноят қонунчилиги билан муохофаза этиладиган ҳокимият ёки бошқарув органларининг обрўси, уларнинг нормал фаолият юритиши, фуқароларнинг ҳуқуқлари ёки қонуний манфаатларига зарар етади. Пул, валюта, қимматбаҳо қофозлар, автомобиллар ва бошқа ҳар қандай мол-мулк, озиқ-овқат маҳсулотлари, спиртли ичимликлар, антиқа буюмлар ва ҳоказо, яъни моддий қийматга эга бўлган ҳар қандай нарсалар

³² М.Курбонов, Б.Хамидов, О.Ганиев, Б.Каримов. Коррупцион жиноятларни тергов қилиш услубиёти. Ўкув қўлланма – Т.: ТДЮУ, 2020. -110 б. 27-бет.

³³ М.Курбонов, Б.Хамидов, О.Ганиев, Б.Каримов. Коррупцион жиноятларни тергов қилиш услубиёти. Ўкув қўлланма – Т.: ТДЮУ, 2020. -110 б. 28-бет.

ёхуд мулкий хусусиятдаги наф кўриш (санаторийга йўлланма, бирон-бир пулли хизматни кўрсатиш кабилар) поранинг предмети бўлиши мумкин.

Пора олиш жиноятининг латентлигини ошираётган ҳамда ушбу жиноятнинг фош этилишини мураккаблаштираётган яна бир жиҳати, бу мансабдор шахсга бериладиган совғани пора предмети деб ҳисоблаш юзасидан муаммоли ҳолат мавжуд. Яъни давлат хизматчисига берилган совға порами ёки пора эмасми, агар пора бўлса, қандай турдаги совғаларни пора деб ҳисоблаш шартлари қонунчиликда белгиланмаган.

Маълумки, совға – кимсанинг кўнглини олиш ёки хизматларини тақдирлаш учун тортиқ қилиб бериладиган нарса, ҳадя, тухфа. Ўзбекистон Республикасининг Фуқаролик кодексида ёки бошқа норматив-хуқуқий ҳужжатларда совға бериш, унинг хуқуқий жиҳатлари тартибга солинмаган.

Давлат хизматчилари, мансабдор шахсларга совға беришни қонун орқали чеклаш, уни жиноят сифатида баҳолаш уларнинг инсон сифатидаги шахсий ва ижтимоий-иқтисодий хуқуқларига дахл қилинган бўлиб қолади. Аммо, шундай шахслар доираси борки, уларга (муайян миқдордан ошиқ ҳолатда) совға бериш, гарчи у совға сифатида берилган бўлса ҳам, бу совға шакли берилган пора предмети бўлади.

Хорижий давларлар тажрибасига эътибор қаратадиган бўлсак, Россия қонунчилигида “пора” ва “совға”нинг бир-биридан фарқларига қонуний йўл билан ечим қилинган. Жумладан, 05.07.1995 йилдаги “Россия Федерациясининг давлат хизматчилари тўғрисида” ги Қонунининг 11-моддасида совға деганда - энг кам ойлик иш ҳақининг 5 бараваридан ошмайдиган, очиқ-шаффоф ва расмий равишда раҳбариятни хабардор қилган ҳолда бериладиган моддий ва номоддий қимматликлар тушунилган.

Бироқ амалда бу қоида ўзини оқламасдан, порахўрликни камайтирганлиги сабабли 27.07.2004 йилда ушбу қонунга киритилган ўзгартиришларга кўра, давлат хизматчиларига ҳар қандай совға ва бошқа қимматликларни олиш таъқиқланган.

Бундан кўринадики, пора олиш жиноятини тергов қилишда гумонланувчи ва айбланувчиларга пора предметини “совға” ёки бошқача кўринишдаги “тухфа” деган “баҳоналар” билан ўзларини оқлашга имкон қолдирилмаган. Бу орқали жиноятни тергов қилишда келиб чиқиши мумкин бўлган лазейкаларнинг олди олинган.

Чет эл адабиётларида пора олишни уч турга бўлишади. Америкалик олим В.Рейсман:

1. хизмат билан боғлиқ – ўз ишларини битириб олиш учун давлат хизматчиларига солиқ тўлаш. Тўлов ва бошқалар;
2. тўхтатиб турадиган – ўз иши юзасидан қўлланиши лозим бўлган нормани тўхтатиб туриш ёки уни қўлламаслик учун мансабдор шахсга пул бериш;
3. очиқдан-очиқ пора бериб сотиб олиш - ўз мансабида қолиш ёки юқори мансабга кўтарилиш учун бошқа мансабдор шахсга пора беришда”³⁴ ифодаланади.

Пора предметлари ҳам уч турга бўлинади:

1. пул ва қимматбаҳо қофозлар (сўм ёки чет эл валютаси);
2. моддий қийматга эга бўлган буюмлар. Валюта қимматликлари ва қимматбаҳо тошларни, металларни олишда ёки беришда бу предметлар поранинг воситаси сифатида хизмат қиласи. Бу буюмларга ноқонуний эгалик қилиш ва уларни топшириш қоидаларини бузиш Жиноят кодексининг 185-моддаси билан квалификация қилинади. Юридик адабиётларда ва суд-тергов амалиётида сохта диплом, меҳнат дафтарчаси ва гувоҳномаларни поранинг предмети сифатида ҳисоблаш юзасидан келишгани йўқ. “Б.В.Здравомўслов буни мансабдор шахсга бериладиган поранинг предмети сифатида ҳисоблайди, чунки бу предметлар шахсга бирон-бир мансабни эгаллаш, баландроқ ойлик олиш имконини беради.

³⁴ Т.Н. Воулина, И.Я. Козаченко. Уголовное право: особенная часть. М., 1998 й, 607-бет.

А.Аллахонов эса, буни мансаб ваколатини суиистеъмол қилиш деб ҳисоблайди”³⁵;

3. мулк шаклидаги хизматлар қўрсатиш. Масалан, саёҳат йўлланмасини олиб бериш, квартирани ремонт қилиб бериш, уй қуриб бериш қарзларини ҳисобдан ўчириб ташлаш ва бошқалар. “Суд-тергов амалиётида кўп йиллар давомида бирор-бир ҳаракатни содир этгани учун жинсий алоқада бўлишни поранинг предметига киритмадилар. Масалан, аёлни ўз хизмат мавқенини қўтариш учун бошлиқ билан жинсий алоқага киришини ва бу ҳаракатларга пора олиш жиноятининг таркиби йўқ”³⁶, деб ҳисоблайдилар.

Барча давлатларда бўлгани каби, жамиятимизда фоҳишабозлик мавжуд бўлиб, улар эвазига хизмат қўрсатишади. Мансабдор шахсга бундай хизматни қўрсатишнинг замирида қандайдир мотив ва мақсад борлиги аниқланган тақдирда ЖКнинг 210-моддаси билан квалификация қилиниши лозим. Агар аёл доимий раившда фоҳишабозлик билан шуғулланса, бундай ҳолатлар мансабдор шахснинг ҳаракатларида бу жиноят таркиби бўлмайди.

Ўзбекистон Республикаси Олий суди Пленуми қарорида пора олишнинг бошқа шакллари ҳам учрайди. Жиноий жавобгарликдан озод қилиш эвазига тўловларсиз туристик йўлланма олиш ёки чет элга бориб келиш ёхуд денгиз саёҳати ва текинга гаражни ремонт қилиб бериш ва бошқалар.

Жиноятни квалификация қилишда пора олевчи пора берётган шахснинг манфаатларини кўзлаб, муайян аниқ ҳаракатни бажарганлиги учун пора олишини эътиборга олиш зарур.

Пора олиш моддий таркибли жиноят бўлиб, у пора олевчи томонидан пора берувчининг манфаатларини кўзлаб, аниқ ҳаракатлар содир этилганидан ёки этилмаганидан қатъи назар, пора предметининг

³⁵ Т.Н. Воулина, М.И.Ковалев. Уголовное пр.Особен.часть. М., Инфра, 1998 й, 608 бет

³⁶ Юкорида қўрсатилган адабиётда. 609-бет.

лоақал бир қисми олинган пайтдан эътиборан, жиноят тамом бўлган ҳисобланади. Россиялик олим Волженкин фикрига кўра, “пора олиш моддий таркибли жиноят бўлиб, бунда мансабдор шахс порани тўла ёки бир қисмини олганлигидан қатъи назар тугалланган жиноят ҳисобланади³⁷”. Агар мансабдор шахс ўзига боғлиқ бўлмаган ҳолда пора ололмаса, бу пора олишга суиқасд бўлади.

Франция жиноят хукуки меъёрлари объектив томоннинг ўзига хос ҳусусиятлари нуқтаи-назаридан катта қизиқиш уйғотади. Том маънода пора олиш “пассив” пора олиш деб аталади. Қонунга Франция ЖК 432-модда 11-қисмига кўра мансабдор шахсга ўз хизмат мажбуриятларини, вазифаларини, вакиллик вазифаларини бажариш ёки бажармаслик, шунингдек, давлат ёки маъмурий ҳокимият идораларида мукофот, лавозим, ишларни бажариш учун пудрат олиш ёки бошқача қарорлар чиқарилишига эришиш мақсадида ўзининг реал ёки сохта мавқенини сунистехнология қилганлик учун таклифлар, ваъдалар, ҳадялар ёки совғалар беришни бевосита ёки билвосита сўраш ёки талаб қилиш пассив пора олиш деб аталади. Шуниси қизиқки, пора олишнинг яширин шакллари учун жавобгарлик назарда тутилган меъёрларнинг санкциялари мансабдор шахснинг пора беришни сўраб қилган илтимосининг ўзи кифоя бўлган оддий пассив пора олиш учун назарда тутилган санкциялардан анча енгил. Бу муаммонинг қонун чиқарувчи томонидан бундай ҳал қилинганлиги, авваламбор, жиноятни фош этишни енгиллаштириш, қолаверса, ҳаётий тажриба ва соғлом фикр билан изоҳланади. Хизматчи оладиган ҳар қандай қонунга зид ҳақ ҳам классик пора бўлавермайди. Мансабдор шахс қонунда назарда тутилган ёки ошириб кўрсатилган солиқлар ёҳуд корхона даромадидан фоизлар тарзида қўшимча ҳақ олган тақдирда пассив пора олишни пардалаш эҳтимоли катта бўлади.

Бир қатор ҳолларда пора предмети сифатида тақдим этилган моддий ёки бошқа нафнинг ҳусусиятлари жиноятни тавсифлашда муҳим аҳамиятга

³⁷ Уголовное право. Учебник. Часть особ. М., Норма, Инфра, 608-бет

эга. Масалан, Италия Жиноят кодексига мувофиқ хизмат лавозими, стипендия, пенсия кўринишида пора олиш, мансабдор шахс манфаатдор бўлган шартномани ёзма расмийлаштириш пора олишни оғирлаштирувчи ҳолат деб ҳисобланади.

АҚШ ва Буюк Британия Жиноят кодексида пора предмети анча кенг талқин этилган: фақат жисмоний шахслар эмас, юридик шахслар ҳам коррупция учун жавобгарлик субъекти деб топилиши мумкин. Англия қонунлариға “Оммавий ташкилотлардаги пораҳўрлик тўғрисида”ги 1889 йилги, “Коррупцияни олдини олиш тўғрисида”ги 1906 ва 1916 йилги қонунларага мувофиқ ўзи ёки бошқа шахс билан биргаликда пора эвазига оғдириш мақсадида оммавий ташкилот аъзоси ёки хизматчисини бирон-бир масала ёки битим масаласига нисбатан нимадир қилиш ёки қилмасликка даъват этиш воситаси сифатида ўзи ёки бошқа шахс учун совға, қарз, гонорар, ҳақ ёки имтиёз беришни товламачилик билан талаб қилувчи ёки оловчи ёхуд олишга рози бўлган шахс пора олишда айбор деб топилади. Пора олишдан олдинги келишув Англия суд амалиётида “коррупция келишуви” деб аталади. Моддий ҳақ берилишидан олдин содир бўлган бундай келишувнинг исботлангани ҳам, хизмат кўрсатилганидан сўнг ҳақ олингани ҳам жиноятни тавсифлаш учун аҳамиятга эга эмас.

Мамлакатимизда узок йиллардан бери “Давлат хизмати тўғрисида”ги қонунни қабул қилиш долзарб масала бўлиб келмоқда. Давлат хизматининг умумий жиҳатларини, асосларини, унинг турларини, ташкилий-ҳуқуқий механизмини, уни ўташ тартибини, шунингдек давлат хизматчисининг ҳуқуқий мақомини белгилаб берувчи ягона қонуннинг йўқлиги қўп муаммолар қелтириб чиқармоқда.

“Давлат хизмати тўғрисида”ги Қонун лойиҳаси бир неча марта қайта ишлаб чиқилди, лекин айрим сабабларга кўра қабул қилинмади. Шунингдек, “Давлат хизмати тўғрисида”ги қонун лойиҳасини ишлаб чиқиш ва қабул қилиш 2017 — 2021 йилларда Ўзбекистон Республикасини

ривожлантиришнинг бешта устувор йўналиши бўйича Ҳаракатлар стратегиясида ва Ўзбекистон Республикасида Маъмурий ислоҳотлар концепциясида назарда тутилган эди.

Юқоридагиларни инобатга олган ҳолда “**Давлат хизмати тўғрисида**”ги давлат хизматининг ташкилий-хуқуқий асосларини, унинг механизмини ва давлат хизматчисининг хуқуқий мақомини белгилаб берувчи Қонунининг қабул қилиниши давлат хизматининг самарали фаолият юритишида ва мансабдор шахслар томонидан ўз вазифаларини оғишмай бажаришида муҳим аҳамиятга эга ҳамда мазкур соҳада аниқланган пора олиш жиноятини тергов қилиш ва исботлашда мавжуд муаммо, баҳс-мунозараларни бартараф этишга хизмат қиласи.

П БОБ. ПОРА ОЛИШ БИЛАН БОҒЛИҚ ЖИНОЯТ ИШИНИ ҚЎЗҒАТИШ БОСҚИЧИНИНГ ЎЗИГА ХОС ҲУСУСИЯТЛАРИ.

2.1 Пора олишга оид ариза ва хабарларни текшириш - терговга қадар текширув босқичи сифатида.

Ўзбекистон Республикасининг 2017 йил 3 январдаги “Коррупцияга қарши курашиш тўғрисида”ти Қонуннинг 7-моддасида коррупцияга қарши курашиш бўйича фаолиятни бевосита амалга оширувчи давлат органлари сифатида Ўзбекистон Республикаси Бош прокуратураси, Давлат хавфсизлик хизмати, Ички ишлар вазирлиги, Адлия вазирлиги, Бош прокуратура хузуридаги Иқтисодий жиноятларга қарши курашиш департаменти ва қонун хужжатларига мувофиқ бошка давлат органлари ҳам амалга ошириши белгиланган³⁸. Шу билан бирга ушбу Қонунда коррупция ҳолатлари билан боғлиқ жиноятлар бўйича дастлабки тергов Бош прокуратура, давлат хавфсизлик хизмати, Ички ишлар вазирлиги томонидан амалга оширилиши белгиланган.

Шунингдек, коррупция ҳолатларини фош этиш бўйича тезкор-қидириув фаолиятини ДХХ, ИИВ ва ИЖҚҚ Департаменти томонидан амалга оширилиши қонунда мустаҳкамланган.

Мамлакатимизда коррупциянинг энг хавфли қўринишларидан бири бўлган пора олиш жиноятига қарши курашиш долзарб бўлиб, айборларга нисбатан жавобгарликнинг муқаррарлигини таъминлаш учун масъул бўлган ҳуқуқни муҳофаза қилувчи орган ходимлари зиммасига катта масъулият юклайди.

Ўзбекистон Республикасининг 2012 йил 25 декабрдаги “Тезкор-қидириув фаолияти тўғрисида”ти Қонуннинг 11-моддасида суриштирув ва тергов органлари иш юритуvida бўлган жиноят ишлари бўйича тезкор-қидириув тадбирлари тезкор-қидириув фаолиятини амалга оширувчи

³⁸ Ўзбекистон Республикасининг 2017 йил 3 январдаги “Коррупцияга қарши курашиш тўғрисида”ти Қонун. 7-моддаси. ЎРҚ – 419-сон

органлар томонидан Ўзбекистон Республикаси Жиноят-процессуал кодексининг 43 ва 46¹-бобларида назарда тутилган терговга тегишлиликка мувофиқ ўтказилади³⁹.

Шунингдек, мазкур модданинг 2-қисмида прокуратура органлари ҳамда тезкор-қидириув фаолиятини амалга оширувчи органлар тоифасига кирмайдиган суриштириув ва дастлабки тергов органлари иш юритувида бўлган жиноят ишлари бўйича тезкор-қидириув тадбирлари тезкор-қидириув фаолиятини амалга оширувчи органлар томонидан суриштирувчининг, терговчининг ёзма топшириғи, прокурорнинг кўрсатмаси ва топшириғи асосида ўтказилиши қайд этилган⁴⁰.

Ўзбекистон Республикаси ЖПКнинг 345-моддасига кўра, ЖКнинг 210-моддасида назарда тутилган жиноятга доир ишлар бўйича дастлабки тергов прокуратура органларининг терговчилари томонидан олиб борилади.

Шу сабабли, пора олиш бўйича келиб тушган жиноят ҳақидаги ариза ва хабарларни қонуний ҳал қилиш прокуратура органларининг терговчилари ваколатига кирганлиги боис улар бўйича тезкор-қидириув тадбирлари тегишли прокуратуралар билан келишилган ҳолда амалга оширилиши лозим.

В.В.Степановнинг айтишича авваллари қонуности актларида ва ҳуқуқий адабиётда аризалар ва жиноят тўғрисидаги хабарларни кўриб чиқиш бўйича фаолият ҳар хил номланган: “терговгача бўлган текширув”, “бирламчи текширув”, “текширув ҳаракатлари”, “текширув”, “дастлабки текширув”, “максус текширув, тергов”.⁴¹ Муаллиф юқоридаги фаолият терговдан олдин бўлишини ва жиноий иш қўзғатиш тўғрисидаги қатъий қарордан аввал амалга оширилишини ҳисобга олиб кўрсатиб ўтилган

³⁹ Ўзбекистон Республикасининг 2012 йил 25 декабрдаги “Тезкор-қидириув фаолияти тўғрисида”ги Конун. 11-моддаси. ЎРҚ – 344-сон

⁴⁰ Ўзбекистон Республикасининг 2012 йил 25 декабрдаги “Тезкор-қидириув фаолияти тўғрисида”ги Конун. 11-моддаси. ЎРҚ – 344-сон

⁴¹ Қаранг.: Степанов, В.В. Предварительная проверка первичных материалов о преступлениях/ В.В. Степанов. - Саратов, 1972. - с. 9-10.

терминлар орасида энг тұғриси “дастлабки текширув” деб таъкидлайды.⁴².

В.В.Степановнинг фикрича, жиноят тұғрисидаги хабарлар ва аризаларнинг дастлабки текшируви – бу жиноий процессуал қонуни бүйича ваколатли шахсларнинг жиноий иш құзғатиши тұғрисидаги масалани ҳал қилиш ёки бошқа чоралар күриш учун үз вақтида ва асосланган жиноят ва бошқа ҳолатлар алматларини аниқлашга қаратилған фаолиятидир⁴³.

Тезкор-қидирав натижалари Россия Федерацияси «Тезкор-қидирав фаолият тұғрисидаги» Федерал қонуннинг 11-моддасига күра жиноятларни аниқлаш, олдини олиш, тұхтатиши ва фош қилиш бүйича үтказилған тезкор-қидирав тадбирларини үтказиши учун ишлатилиши мумкин, ва шунингдек жиноий иш құзғатиши учун сабаб ва асос бўлиб хизмат қилиши мумкин.

Ўзбекистон Республикаси Жиноят процессуал кодексининг 81-моддаси 3-қисмиға асосан Қонунда белгиланған талабларга риоя этилған ҳолда үтказилған тезкор-қидирав тадбирларининг натижалари ушбу Кодекс нормаларига мувоғиқ текширилганидан ва баҳоланганидан сўнг жиноят иши бүйича далиллар деб эътироф этилиши мумкинлиги белгиланған.

Ю.А.Стяжкиннинг ҳақли равища қайд этишича тезкор-қидирав фаолиятнинг натижаларини дастлабки тергов босқичида у ёки бу ахборот манбаларини аниқлаш мумкин бўлған пайтда ишлатилиши, ахборотнинг ҳақиқийлигини, холислигини, ва ишончлилигини исбот қилиш ва ахборотнинг мазмунини бошқа тергов ёки суд ҳаракатлари чоғида аниқлаш, шунингдек суд экспертиза үтказишида қайта текшириш мумкин⁴⁴.

Пора олиш жинояты ҳақидаги ариза ва хабарлар турли мазмунда бўлишини мумкин (тайёрланаётган, муқаддам содир этилған ёки олинган пора предметини қайтариш билан боғлиқ) лигини инобатга олиб, улар

⁴² Карапг.: Ўша жойда С. 10.

⁴³ Карапг.: Ўша жойда С. 11.

⁴⁴ Карапг.: Стяжкин, Ю.А. Указ. раб. С. 38*43.

бўйича иш ҳолатларидан келиб чиқиб, тезкор-қидирув тадбирлари ва дастлабки тергов ҳаракатларини ўтказишни тақозо этади.

Пора олиш жинояти ҳақидаги ариза ва хабарларнинг мазмунидан келиб чиқиб тезкор-қидирув тадбирларини ўтказишга тайёргарлик кўриш усуллари, воситалари ва кучларни жалб этиш турлича бўлади. Масалан, пора оловчи шахсни жиноят устида ушлаш, мансабдор шахснинг хабари (билдиргиси) асосида пора берувчи шахсни ушлаш, муқаддам олинган пора предметини қайтариш вақтида пора олган ёки воситачилик қилган шахсларни ушлаш, мустақил ташқи манбалар асосида пора олиш жинояти содир бўлаётган ҳолатлар юзасидан айбдор шахсларни ушлаш ва бошқа ҳолатлар шулар жумласидан.

Одатда, пора олиш жиноятини фош этиш учун “Тезкор-қидирув фаолияти тўғрисида”ги Конунда назарда тутилган “тезкор эксперимент” тезкор-қидирув тадбирини ўтказилади ва бу орқали аризачининг важлари текширилади ҳамда ваколатли мансабдор шахснинг хатти-ҳаракатларига хукуқий баҳо берилади.

Тезкор эксперимент — ғайриҳукуқий қилмиш содир этган ёки унга тайёргарлик кўраётган шахсларни фош этиш ва аниқлаш мақсадида тезкор-қидирув фаолиятини амалга оширувчи орган томонидан тўлиқ бошқариладиган ва назорат қилинадиган шароитни муайян ҳодисани қайтадан тиклаш йўли билан сунъий равишда вужудга келтиришдан иборат бўлган тадбир⁴⁵.

Ушбу тадбирни ўтказишдан мақсад пора олиш жиноятини содир этишда гумонланаётган шахсни жиноят устида қўлга олиш бўйича назорат қилинадиган сунъий шароитни юзага келтириш ҳисобланади.

Тезкор эксперимент ўзининг ташкилий-тактик ҳусусиятига қўра комплекс ўтказиладиган тадбир бўлиб, тезкор кузатув, сўров, маълумотлар

⁴⁵ Ўзбекистон Республикасининг 2012 йил 25 декабрдаги “Тезкор-қидирув фаолияти тўғрисида”ги Конун. 11-моддаси. ЎРҚ – 344-сон. 14-модда.

тўплаш каби бир қатор тезкор-қидирув тадбирларини ёки уларнинг айрим элементларини қамраб олади.

Тезкор-қидирув фаолиятини амалга оширувчи органлар юзага келган вазият ва ўtkaziladigан тезкор экспериментнинг ҳусусиятидан келиб чиқиб бошқа соҳалардаги махсус билимларидан келиб чиқиб бошқа соҳалардаги махсус билимларга эга бўлган мутахассислар ҳам жалб этилиши мумкин.

Тезкор эксперимент тадбирини ўtkaziшда қонунийликни таъминлаш учун қуидагиларга риоя этилиши шарт:

- жиноий ниятларни амалга ошириш учун яратилган шарт-шароит, гумонланаётган шахс томонидан у ёки бу ҳаракатни содир этиш имконини бериш лозим;
- тезкор эксперимент ўtkaziш жараёнида пассив кузатув усули қўлланилиши лозим;
- тадбир жараёнида шахсни жиноят содир этишга ундаш ёки мажбур қилиш, уни ўз эҳтиёжини қонуний йўл билан қондиришга тўсқинлик қилувчи ҳолатга солиб қўйиш таъқиқланади⁴⁶.

Шахсни жиноят содир этишга оғдириш ҳолатларини олдини олиш мақсадида қуидаги қўшимча шарт-шароитларга эътибор қаратилади:

- Тезкор эксперимент тадбирини ўtkaziш учун асос бўлувчи ишонарли маълумотлар борлигига ишонч ҳосил қилиш;
- Жиноий ният ва жиноятга тайёргарлик кўришда гумонланаётган шахс томонидан ташаббус қўрсатилиши лозим (масалан, мансабдор шахс томонидан таъмагирлик йўли билан пора талаб қилиниши);
- Гумонланувчи шахснинг ноқонуний келишувни амалга оширишга бўлган хоҳиши ҳамда келгусида исботлаш жараёнида

⁴⁶ “Порахўрлик жиноятларини фош этиш бўйича ўtkaziladigан тезкор-қидирув тадбирлари” Кўлланма (Практикум). В.Каримов. Тошкент.2019 йил. 14-бет.

фойдаланиш мумкин бўлган маълумотлар ахборот ташувчиларда қайд этилиши лозим⁴⁷.

Ташкил этилаётган тезкор-қидирув тадбирининг муваффақиятли ўтказилишини таъминлаш мақсадида ўзаро келишувга асосан тадбир раҳбари белгилаб олиниши, тадбирда ҳар бир ходим, яъни терговчи ва тезкор ходимларининг вазифалари ўзаро тақсимлаб олиниши лозим.

Айрим ҳолларда, истисно тариқасида пора олиш жинояти устида қўлга олиш юзасидан Департамент органлари ходимлари томонидан ўтказиладиган тезкор-қидирув тадбирларида прокуратура терговчисининг иштирок этилиши талаб этилмайди⁴⁸.

Қолган ҳолларда (масалан, ҳуқуқни муҳофаза қилувчи орган ходимлари, хокимлар, судьялар, туман, шаҳар, вилоят, республика миқёсидаги Президент администрацияси ёки Вазирлар Маҳкамаси номенклатурасида турувчи мансабдор шахслар) ўтказиладиган тезкор-қидирув тадбирларида прокуратуранинг терговчиси иштирок этиши мақсадга мувофиқ.

Пора талаб қилаётган мансабдор шахсни жиноят устида қўлга олишда дастлаб ЖПКнинг 324-моддаси талабларига риоя этилган ҳолда ёзма ёки оғзаки аризалари олинади.

Ариза тезкор-қидирув фаолиятини амалга оширувчи орган томонидан қабул қилингандан сўнг бу хақида прокуратурага тадбирда қатнашиш учун терговчи ажратиш юзасидан хабар берилади. Заруратга қараб режалаштирилган тезкор тадбирга тегишли ҳуқуқни муҳофаза қилувчи органлар ходимлари жалб қилиниши мумкин лозим.

Ариза қабул қилинганидан сўнг тезкор қидирув тадбирини ўтказишга масъул ходимлар ижрочи этиб белгиланади.

Аризадаги важлар ва уни тасдиқловчи далиллар етарлилиги тезкор ходимлар томонидан ўрганиб чиқилиши лозим бўлади. Агарда далиллар

⁴⁷ “Порахўрлик жинояларини фош этиш бўйича ўтказиладиган тезкор-қидирув тадбирлари” Кўлланма (Практикум). В.Каримов. Тошкент.2019 йил. 14-бет.

⁴⁸ “Порахўрлик жинояларини фош этиш бўйича ўтказиладиган тезкор-қидирув тадбирлари” Кўлланма (Практикум). В.Каримов. Тошкент.2019 йил. 15-бет.

етарли бўлмаса, бундай ҳолатда аризачига баённома асосида диктофон тақдим этилиши ва мансабдор шахс билан ўрталаридағи такроран сұхбат ўтказиш, тезкор йўллар билан мансабдор шахснинг лавозими, унинг ваколатлари ва шахсига оид маълумотлар тўпланиб ўрганилиши мақсадга мувофиқ.

Тезкор тадбирни ўтказувчи гуруҳ аъзоларига гуруҳ раҳбари томонидан пухта йўл-йўриқлар берилади. Бунда ҳар бир тадбир иштирокчиси, аризачи, холислар, мутахассисга уларнинг вазифаси тушунтирилади. Бунда гумонланувчини жиноят устида ушлаш, пора предмети ва ашёвий далилларни ЖПК талаблари асосида олишнинг барча эҳтимолий версиялари ишлаб чиқилиши, ҳар бир версия бўйича иштирокчиларнинг ҳаракати аниқ белгилаб олиниши лозим.

Тезкор-тадбир иштирокчиларининг ўз жойларини эгаллаши, имкон қадар пора олди-берди жараёнини кузатиб туришлари ва доимий бир-бирлари билан алоқада (рация, уяли телефон ва х.к.) бўлиб туришлари тезкор-тадбирнинг белгиланган режада асосида ўтишининг кафолати ҳисобланади.

Гумонланувчи шахс пора предметини олганидан сўнг аризачи томонидан олдиндан келишилган шартли ишорани беради ва шу билан пора олувчини ушлаш тадбири бошланади. Бу жараённи прокуратура терговчиси, у бўлмаган тақдирда тезкор гуруҳ раҳбари ўз назоратида ушлаб туриши, ходимлар томонидан ЖПК талабларига зид хатти-ҳаракатлар содир этилишининг олдини олиши зарур.

Аризачи томонидан шартли ишора берилганидан сўнг тадбир иштирокчилари фурсатни бой бермасдан гумонланувчининг олдига боришлиари, атрофни ўраб олиб, далилларнинг йўқ қилиниши ва гумонланувчининг қочиб кетишини олдини олиши ҳамда ён-атрофдаги шахслардан жойларида қолишини таъминлашлари зарур. Терговчи гумонланувчига хизмат гувоҳномасини кўрсатиб, тезкор тадбир ўтказиш

асосларини маълум қилиб, ким билан нима мақсадда учрашганлиги ҳақида сўрайди.

Сўнгра, мутахассис томонидан ўша жойнинг ўзида пора олишда гумонланаётган шахснинг қўллари, боши ва кийимларини кўздан кечириш лозим. Гумонланувчи томонидан келгусида кимёвий қуқун бўйича эътиrozлар билдирилишининг олдини олиш мақсадида уни қочиб кетишига масъул ходимлар қўлларининг кафтидан ва кийимларининг ташки қисмларидан тутишлари мақсадга мувофиқ эмас. Махсус қуқун излари аниқланган тақдирда пора олган шахс ва холисарга намойиш этилиб, тегишли тартибда суртмалар олиниб, пакетларга жойлаштирилади. Пакетлар елимланиб, имзоланади ва муҳрланиб, бу ҳақида баённомада акс эттирилади.

Тезкор тадбир давомида амалга оширилган барча ҳаракатлар, қўлланилган махсус техника воситалари, пора олган шахс томонидан билдирилган важлар, олинган ашёвий далиллар баённомада акс эттирилиши ва видео тасвирга олиниши лозим.

Ушланган шахс олинган поранинг бир қисмини ўзига олиб қолиб ёки олиб қолмасдан уни бошқа мансабдор шахс ёки фуқарога бериши лозимлиги ва бу ҳолат аввалдан келишиб олинганлигини маълум қилган бўлса, унинг розилиги билан тезкор тадбир давом эттирилади.

Кейинги давом эттириладиган тезкор тадбир худди юқоридаги тартибда амалга оширилади ва расмийлаштирилади. Бунда муқаддам фойдаланилган пора предметидан такроран фойдаланишга йўл кўйилмайди.

Ўзбекистон Республикаси ЖПКнинг 91-моддасида далилларни қайд этиш учун баённома тузиш билан бир қаторда овоз ёзиш, видеоёзув, кинотасвир, фотосуратга тушириш, қолиплар тайёрлаш, нусхалар олиш, режалар, схемалар тайёрлаш ва ахборотни акс эттиришнинг бошқа усуслари қўлланилиши мумкинлиги, ва суриштирувчи, терговчи, суд

далилларни мустаҳкамлашнинг бу усулларини қўлланишга кўмаклашиш учун мутахассисларни жалб этиши мумкинлиги белгиланган.

Суриштирувчи, терговчи, суд томонидан далилларни қайд этишнинг қандай усуллари қўллангани, фойдаланилган аппаратлар, асбоблар, ускуналар, материалларнинг техникавий тавсифи келтирилиб, тегишлича тергов ҳаракати баённомаси ёки суд мажлиси баённомасида акс эттирилади.

Юқорида қайд этилган ҳолатлар порахўрни ушлаш давомида амалга оширилиши лозим бўлган умумий ҳолатлар бўлиб, тезкор-қидирав тадбирларини амалда ўтказишда ҳар бир ҳолатга алоҳида индивидуал тартибда ёндашиш лозим бўлади.

Ўзбекистон Республикаси Ички ишлар вазирлиги, Давлат хавфсизлик хизмати, Давлат божхона қўмитаси ва Бош прокуратуранинг 2013 йил 6 декабрдаги “Тезкор-қидирав фаолияти натижаларини суриштирув органи, терговчи ёки прокурорга тақдим қилиш тартиби ҳақидаги Йўриқномани”нинг 14-бандида жиноят-процессуал қонунчиликка мувофиқ далилий ашё сифатида эътироф этиш учун тезкор-қидирав тадбири натижасида олинган (тайёрланган) фотографик негативлар ва суратлар, кинотасмалар, диапозитивлар, фонограммалар, видеоёзув кассеталар, компьютер ахборот ташувчилар, чизмалар, режалар, схемалар, маълумотлар, шунингдек бошқа моддий обьектлар ҳам илова қилиниши мумкинлиги белгиланган. Ушбу талабдан келиб чиқиб, пора олиш жиноятини содир этаётган шахснинг жиноятини фош этишда фақатгина пора предмети сифатида тақдим этилаётган ва кимёвий ишлов берилган пулларни тақдим қилиш ва уни ашёвий далил тариқасида олиш билан чекланиб қолиш ярамайди. Чунки, тезкор тадбирларнинг ақсариятда пора предмети бўлган пулларни гумонланувчи бевосита қўлига олмаслик ҳолатлари кўп учрамоқда.

Шу боисдан, порахўрнинг асл мақсади нимага қаратилганлигини аниқлаш, нима қилмоқчилиги, қандай бажармоқчи эканлигини ва бошқа

ҳолатларни аниқлашда, кўпроқ далил тўплашда у билан аризачи ўртасида бўлиб ўтадиган сухбат жуда муҳим ҳисобланади. Шунинг учун аризачи гумонланувчи билан пулни олди-берди қилиш жараёнида нималар ҳақида гапириши, гумонланувчига қандай саволлар бериши, унинг жавоб вариантларидан келиб чиқиб нималар ҳақида сухбат олиб бориши ҳақида, агар имкон бўлса гумонланувчидан кафолат сўраш, алдаб кетмаслиги учун ишонарли гапларни айтишини сўраши ҳақида тўлиқ тушунчалар бериш керак бўлади.

Ўзбекистон Республикасининг 2020 йил 14 майдаги ЎРҚ-617-сонли Қонунига асосан шахсни ушлаш, ушлаш жараёнида ўтказиладиган шахсий тинтув ва олиб қўйиш ҳамда ҳимоячидан воз кечиш процессуал ҳаракатлари видеоёзув орқали қайд этилиши шартлиги белгиланди⁴⁹.

18.02.2021 йилда “Ўзбекистон Республикасининг Жиноят ва Жиноят-процессуал кодексларига ўзгартиш ва қўшимчалар киритиш тўғрисида”ги Қонун Президент томонидан имзоланди (ЎРҚ-675, 18.02.2021 й.).

Унга кўра, жиноят ишида ҳимоячи иштирок этиши шарт бўлган ҳолатлар кенгайтирилди. Қонун билан Жиноят процессуал кодексга киритилган қўшимчаларга кўра: шахс амалда ушланган ёки уни ушлаш билан боғлиқ тезкор-қидирув тадбири якунланган пайтдан бошлаб, у билан боғлиқ процессуал ҳаракатлар амалга оширилгунга қадар ҳимоячи билан холи учрашиши таъминланиши, тезкор-қидирув фаолиятни амалга оширувчи органлар томонидан гумон қилинувчи, айбланувчи, судланувчидан аризалар, тушунтиришлар ва кўрсатувлар олиш суриштирувчи, терговчи, прокурор ёки судьянинг ёзма руҳсатига асосан фақат ҳимоячи иштирокида амалга оширилиши (ҳимоячидан воз кечилган ҳоллар бундан мустасно) белгиланди.

⁴⁹ 91-модданинг тўртинчи қисми Ўзбекистон Республикасининг 2020 йил 14 майдаги ЎРҚ-617-сонли Қонуни таҳририда — Қонун хужжатлари маълумотлари миллий базаси, 15.05.2020 й., 03/20/617/0585-сон

Шунингдек, Жиноят процессуал кодексга киритилган ўзгартиришларга кўра ушлаб туриш муддати шахс амалда ушланган пайтдан эътиборан кўпи билан 48 соатни ташкил этади (илгари ушбу муддат шахс ички ишлар органига ёки хуқуқни муҳофаза қилувчи органга келтирилган вақтдан бошлаб ҳисобланган).

Ушбу киритилган ўзгартиришлар қонунларни аниқ бажаришдан ва уларга риоя қилишдан ҳар қандай чекинишларнинг ҳамда шахснинг қийноққа солиниши, зўравонликка, шафқатсиз ёки инсон шаъни ва қадр-қимматини камситувчи бошқа тарздаги тазиикқа дучор этилишини олдини олади.

Хорижий давлатлар тажрибасига эътибор қаратадиган бўлсак, Россияда мансабдор шахснинг пора сўраганлиги ҳолати юзасидан тезкор-тадбир ўтказишдан олдин ариза ёзган шахсдан дастлаб, батафсил тушунириш олиш ва бу жараённи видеоёзувга қайд этиш лозим⁵⁰.

Бундан ташқари, тезкор-қидирув идораси ходими аризачининг хавфсизлигини таъминлаш ва унга келгусида пора олган шахс ва унга алоқадор бошқа шахслар томонидан турли кўринишдаги руҳий ва жисмоний тазиикларнинг олдини олиш учун барча чораларни кўриши лозимлиги белгиланган. Шулар қаторида пора олган шахс ишлайдиган корхона, муассаса ва ташкилотнинг юқори турувчи раҳбари билан профилактик сухбат олиб бориши қайд этилган⁵¹.

Россия Жиноят-процессуал кодексидаги яна бир эътиборли жиҳати, пора олганлик юзасидан тезкор-тадбир ўтказилиб, гумонланувчи суриштирув ёки тергов органига келтирилганидан сўнг 3 соат ичida уни ушлаш тўғрисидаги қарор қабул қилиниши лозим⁵².

⁵⁰ Прововые основы проведения оперативно-розыскных мероприятий в целях выявления и документирования получения взяток. Учебно-методическое пособие. Санкт-Петербургская академия Следственного комитета. Санкт-Петербург-2018. Ст-18.

⁵¹ Прововые основы проведения оперативно-розыскных мероприятий в целях выявления и документирования получения взяток. Учебно-методическое пособие. Санкт-Петербургская академия Следственного комитета. Санкт-Петербург-2018. Ст-19.

⁵² “Уголовно-процессуальный кодекс Российской Федерации” от 18.12.2001 №174-ФЗ. Ст-92.

ЖПКнинг 39¹-моддасида терговга қадар текширувни амалга оширувчи органлар зиммасига зарур чоралар кўриш вазифаси, шу жумладан жиноят аломатларини ва жиноят содир этган шахсларни топиш, текшириб чиқилганидан сўнг жиноят иши юзасидан далил тариқасида фойдаланиш мумкин бўлган маълумотларни аниқлаш мақсадида илмий-техника воситаларидан фойдаланган ҳолда, зарур чоралар кўриш вазифаси юклатилган. Пора олиш жиноятини фош этиш бўйича терговга қадар текширувни амалга оширувчи органлар томонидан зарур тергов ҳаракатларини ўтказиш талаб этилади ва уларнинг айримларида холислар иштироки мажбурий ҳисобланади. Масалан, кўздан кечириш, олиб қўйиш, тинтув, экспертиза тайинлаш ва бошқаларда.

Бироқ, ЖПКнинг 73-моддасида холислар суриштирувчи, терговчи, прокурор томонидан тергов ёки бошқа ҳаракатлар ўтказилганини, уни ўтказиш жараёни ва натижаларини тасдиқлаш учун чақирилиши мустаҳкамланган. Бу эса ўз навбатида теговга қадар текширувни амалга оширувчи органлар томонидан холисларни чақириш қонунчиликда мустаҳкамланмаганлигидан далолат беради.

Юқоридаги каби ҳолатлар ҳамда баённомаларни расмийлаштиришдаги камчиликлар аксарият пора олиш билан дастлабки терговда айбланган шахсларнинг кейинчалик айби тўла исботланмаганлиги сабабли судда оқланиб кетганлиги гувоҳи бўлишимиз мумкин.

Диссертация иши доирасида сўнгги 5 йилдаги ЖКнинг 210-моддаси бўйича оқланган жиноят ишлари таҳлил қилинганда, қуйидаги рақамлар келиб чиқди:

- 2016 йилда 12 та жиноят иши бўйича оқлов ҳукми чиқарилган бўлиб, шундан 3 тасига тезкор тадбир ўтказишдаги хато ва камчиликлар, 2 тасига баённомаларни расмийлаштиришда ЖПК талабларига риоя этилмасдан тузилганлиги, 3 тасига аризачи, гувоҳ ва холислар ўз кўрсатувларини ўзгартирганлиги ва 4 тасига бошқа асослар сабаб бўлган;

- 2017 йилда 33 та жиноят иши бўйича оқлов ҳукми чиқарилган бўлиб, шундан 5 тасига тезкор тадбир ўтказишдаги хато ва камчиликлар, 11 тасига баённомаларни расмийлаштиришда ЖПК талабларига риоя этилмасдан тузилганлиги, 14 тасига аризачи, гувоҳ ва холислар ўз кўрсатувларини ўзгартирганлиги ва 3 тасига бошқа асослар сабаб бўлган;
 - 2018 йилда 72 та жиноят иши бўйича оқлов ҳукми чиқарилган бўлиб, шундан 17 тасига тезкор тадбир ўтказишдаги хато ва камчиликлар, 15 тасига баённомаларни расмийлаштиришда ЖПК талабларига риоя этилмасдан тузилганлиги, 29 тасига аризачи, гувоҳ ва холислар ўз кўрсатувларини ўзгартирганлиги ва 11 тасига бошқа асослар сабаб бўлган;
 - 2019 йилда 91 та жиноят иши бўйича оқлов ҳукми чиқарилган бўлиб, шундан 23 тасига тезкор тадбир ўтказишдаги хато ва камчиликлар, 17 тасига баённомаларни расмийлаштиришда ЖПК талабларига риоя этилмасдан тузилганлиги, 34 тасига аризачи, гувоҳ ва холислар ўз кўрсатувларини ўзгартирганлиги ва 17 тасига бошқа асослар сабаб бўлган;
 - 2020 йилда 96 та жиноят иши бўйича оқлов ҳукми чиқарилган бўлиб, шундан 22 тасига тезкор тадбир ўтказишдаги хато ва камчиликлар, 19 тасига баённомаларни расмийлаштиришда ЖПК талабларига риоя этилмасдан тузилганлиги, 39 тасига аризачи, гувоҳ ва холислар ўз кўрсатувларини ўзгартирганлиги ва 16 тасига бошқа асослар сабаб бўлган.
- Бу ҳақидаги батафсил жадвал диссертация ишига илова қилинади.

Хулоса қилиб айтганда, пора олиш жиноятини фош этишда қонунчиликдаги камчиликларни бартараф этиш ва тергов қилишда замонавий ахборот технологияларини жорий этиш орқали далилларни тезкорлик билан сифатли тўплашга эришилади.

Бу эса гумонланувчи, айбланувчи ёки бошқа фуқаролар томонидан терговга қадар текширув ва дастлабки терговни олиб бораётган орган ходимларининг хатти-ҳаракатларидан норозилиги ёки бошқача кўринишдаги дастлабки терговга босим ўтказишга йўналтирилган асоссиз мурожаатларнинг олдини олади.

Бундан ташқари, терговга қадар текширув ва дастлабки тергов даврида замонавий ахборот технологияларини жорий этиш шахсларнинг хуқуқларини тўла амалга оширишни, уларнинг шаъни ва қадр-қимматини хурмат қилишни, ҳеч ким қийноқقا солиниши, зўравонликка, шафқатсиз ёки инсон шаъни ва қадр-қимматини камситувчи бошқа тарздаги тазийклар ўтказилмаслигини таъминлашга ёрдам берадиган самарали воситалардан биридир. Уларни амалиётда кенг татбиқ этиш пора олиш жиноятларини тез ва сифатли, ортиқча сарсонгарчиликсиз фош этиш имконини беради.

2.2 Пора олиш билан боғлиқ жиноят ишини қўзгатишда аниқланиши лозим бўлган ҳолатлар.

Пора жиноятларининг иссиқ изидан фош этилишида прокуратура терговчилари билан тезкор қидирув фаолиятини амалга оширувчи орган ходимларининг самарали бирга ишлашлари кўзланган натижаларни беради.

Ушбу тоифадаги жиноятларни очиш ижодий ва жуда ҳам мураккаб иш бўлиб, уни илмий изланиш билан таққосласа бўлади. Терговчининг қўп қиррали ижодида ҳамма важлар муҳимдир, у жиноятни очибгина қолмасдан, уни очища хатога йўл қўймаслиги керак. Зоро, ҳеч бир фуқаро айбсиз жиноий жавобгарликка тортилмаслиги ва жазо тайинланмаслиги керак.

Пора талаб қилган мансабдор шахснинг хатти-ҳаракатларини фош қилиш юзасидан ўтказилган тезкор-қидирув фаолияти натижалари тезкор-қидирув фаолиятини амалга оширувчи орган раҳбари томонидан тасдиқланган қарор асосида суриштирув, тергов органларига, прокурорга техника воситаларидан фойдаланиш натижасида олинган материаллар қўшилган ҳолда тақдим этилади. Тақдим этиладиган материалларнинг ҳажми тезкор-қидирув фаолиятини амалга оширувчи орган раҳбари томонидан қонун ҳужжатларида назарда тутилган тартибда белгиланади⁵³.

Тезкор-қидирув фаолияти натижаларини текшириш ва Ўзбекистон Республикаси Жиноят-процессуал кодексининг 90-92-моддалари тартибida процессуал қарор қабул қилиш ҳамда жиноят ишига қўшиш учун суриштирув органи, терговчи ёки прокурорга тақдим этиш тезкор-қидирув фаолиятини амалга оширувчи ҳудудий орган раҳбари (бошлиқ ёки тезкор ишлар бўйича ўринбосар) томонидан тасдиқланган қарор асосида амалга оширилади.

⁵³ Ўзбекистон Республикасининг “Тезкор-қидирув фаолияти тўғрисида”ги Қонунининг (Ўзбекистон Республикаси Қонун ҳужжатлари тўплами, 2012 йил, 52-сон, 585-модда) 19-моддаси

Қарор икки нусхада тузилади, унинг биринчи нусхаси суриштирув органи, терговчи ёки прокурорга юборилади. Қарорнинг иккинчи нусхаси тезкор-ҳисоб ишлариға ёки улар бўлмаганда маҳсус номенклатура йиғма жилдларига қўшиб қўйилади⁵⁴.

Пора талаб қилганлик жиноятига оид ариза ва хабарларни, шунингдек оғзаки хабар бўйича ЖПКнинг 324-моддасида назарда тутилган тартибда тузилган баённома, тезкор-қидириув тадбирлари натижасида тўпланган ҳужжатларни юбориш тўғрисида шу орган раҳбарининг қарори Ўзбекистон Республикаси Бош прокурорининг 2006 йил 27 ноябрдаги 65-сонли буйруғи билан тасдиқланган “Ўзбекистон Республикаси прокуратураси органларида иш юритиш ва ҳужжатлар ижросини назорат қилиш тўғрисидаги йўриқнома” асосида “Жиноят ҳақидаги ариза ва хабарларни рўйхатга олиш китоби. Ф-1Д” шаклидаги китобга рўйхатга олинади.

Бундай хабарлар бўйича фотосурат, овозли ёзув, видеоёзув ва бошқа тезкор-қидириув воситаларини қўллаган ҳолда жиноятни фош этишга қаратилган текшириш ташкил қилиниши, ўн суткадан кечиктирмасдан, янги ҳолатлар аниқланиб, уларни қўшимча тарзда текширмасдан туриб қарор қабул қилишнинг имкони бўлмаса, суриштирувчининг асослантирилган қарорига кўра прокурорнинг розилиги билан бир ой муддатда жиноят иши қўзғатиш масаласи ҳал қилиниши лозим.

Суриштирувчи, терговчи ёки прокурор пора олиш жиноятига оид маълумотлар олинган ёки бундай маълумотларни бевосита ўzlари аниқлаган ҳар бир ҳолда қуидаги қарорлардан бирини қабул қиласи:

- 1) жиноят ишини қўзғатиш ҳақида;
- 2) ишни қўзғатишни рад қилиш ҳақида;
- 3) ариза ёки хабарни терговга тегишлилигига қараб юбориш ҳақида.

⁵⁴ 2013 йил 6 декабрдаги 40, 101, 01-02/4-34, 16/17-сонли қарор билан тасдиқланган “Тезкор-қидириув фаолияти натижаларини суриштирув органи, терговчи ёки прокурорга тақдим қилиш тартиби ҳақидаги Йўриқнома” нинг 10-банди.

ЖПКнинг 322-моддасида назарда тутилган сабаб ва асослар мавжуд бўлган тақдирда жиноят ишини қўзғатиш тўғрисида суриштирувчи, терговчи, прокурор қарор чиқаради.

ЖПКнинг 331-моддасига кўра, қарорда: ишни қўзғатиш сабаблари ва асослари; Жиноят кодексининг жиноят иши қўзғатилган жиноятни назарда тутувчи моддаси; бундан буён ишни ўз юритувига олувчи мансабдор шахс кўрсатилади.

ЖПКнинг 345-моддасига кўра, ЖКнинг 210-моддасида назарда тутилган пора олиш жинояти бўйича дастлабки тергов ўтказилиши шарт бўлиб, ушбу жиноятга доир ишлар бўйича дастлабки тергов прокуратура органларининг терговчилари томонидан олиб борилиши белгиланган.

Агар жиноят иши бошқа орган терговчиси ёки суриштирувчиси томонидан қўзғатилганда терговга тегишлилиги бўйича прокуратура органига юбориши шарт.

Мансабдор шахсга нисбатан Жиноят кодексининг 210-моддаси билан жиноят ишини қўзғатишда шахсларнинг ҳаракатларида жиноят таркибининг барча аломатлари мавжудлигига, ашёвий далилларнинг тўлиқлиги ва ишончлилигига, гувоҳларнинг тушунтиришларига, далилларни тўплашда процессуал жиҳатдан тўғри расмийлаштирилганлигига алоҳида эътибор бериш лозим.

ЖКнинг 210-моддаси билан жиноят ишини қўзғатишда жиноятнинг субъекти ва унинг ваколатларига аниқлик киритиш жудаям муҳим ҳисобланади. Пора олганлик учун жиноий жавобгарликка фақат давлат, кооператив, жамоат ва бошқа корхона, муассаса ва ташкилотларда мансабдорлик вазифасини доимий ёки вақтинчалик бажараётган ходимлар тортилиши, пора берувчининг манфаати учун тегишли ҳаракатларни бажариш ваколатига эга бўлмасада, лекин ўзининг эгаллаб турган лавозими мавқеига кўра пора учун ушбу ҳаракатлар бошқа мансабдор

шахс томонидан бажарилиши учун чора кўриш мумкин бўлган мансабдор шахслар ҳам ушбу жиноятнинг субъекти деб топилиши лозим⁵⁵.

Хорижий давлатлар тажрибасига эътибор берадиган бўлсак, Россия Жиноят процесдуал кодексида алоҳида тоифадаги шахсларни жиноий жавобгарликка тортиш масалаларига багишланган 8-бўлими мавжуд бўлиб, ушбу бўлимнинг 448-моддасида:

- Федерация Кенгаши аъзоси ва Давлат Думаси депутатига нисбатан – Россия федерацияси Бош прокурорининг тақдимномасига асосан Федерация Кенгаши аъзоси ёки Давлат Думасининг розилигига асосан Тергов қўмитаси раиси томонидан;
- Россия Федерацияси Бош прокурорига нисбатан – Президентнинг тақдимномасига асосан Олий суднинг учта судьясидан иборат коллегия хulosасига кўра Тергов қўмитаси раиси томонидан;
- Россия Федерацияси Тергов қўмитаси раисига нисбатан – Президентнинг тақдимномасига асосан Олий суднинг учта судьясидан иборат коллегия хulosасига кўра Тергов қўмитаси раиси вазифасини бажарувчи томонидан;
- Россия Федерацияси Конституциявий судининг судьясига нисбатан – Конституциявий суднинг розилиги билан Тергов қўмитаси раиси томонидан;
- Россия Федерацияси Хисоб палатасининг раиси, унинг ўринbosари ва аудиторларига нисбатан - Тергов қўмитаси раиси томонидан;
- Россия Федерацияси Инсон ҳуқуқлари бўйича раисига нисбатан - Тергов қўмитаси раиси томонидан;
- Ўз ваколатини тугатган Россия Федерациясининг президенти, шунингдек Россия Федерацияси Президентлигига номзодга нисбатан - Тергов қўмитаси раиси томонидан;

⁵⁵ Ўзбекистон Республикаси Олий суди Пленумининг 1999 йил 24 сентябрдаги 19-сонли “Порахўрлик ишлари бўйича суд амалиёти тўғрисида”ги Қарори. З-банди

- Россия Федерациясининг таъсис субъектлари Қонунчилик органи депутатига нисбатан - Россия Федерациясининг таъсис субъектларидағи Тергов қўмитасининг ҳудудий бошқарма бошлиқлари томонидан жиноят иши қўзғатилиши белгиланган⁵⁶.

Ўзбекистон Республикасининг амалдаги жиноят процесуал қонунчилигида эса алоҳида дахлсизлик хуқуқига эга бўлган шахсларга нисбатан ЖКнинг 210-моддаси ва бошқа моддалари билан жиноят иши қўзғатиш масаласи ёритилмасдан, бошқа қонун нормаларига ҳавола қилинган. Жумладан:

- Ўзбекистон Республикасининг “Судлар тўғрисида”ги Қонунининг 70-моддасига кўра судьяга нисбатан жиноят иши фақат Ўзбекистон Республикаси Бош прокурори томонидан қўзғатилиши мумкин;

- Ўзбекистон Республикасининг “Адвокатлик фаолиятининг кафолатлари ва адвокатларнинг ижтимоий ҳимояси тўғрисида”ги Қонунининг 6-моддасига кўра адвокатга нисбатан жиноят иши Ўзбекистон Республикаси Бош прокурори, Қорақалпоғистон Республикаси прокурори, вилоят, Тошкент шаҳар прокурори ва уларга тенглаштирилган прокурорлар томонидан қўзғатилиши мумкин;

- Ўзбекистон Республикасининг “Прокуратура тўғрисида”ги (яни таҳрири) Қонунининг 49-моддасига кўра прокурор, терговчи ва суриштирувчига нисбатан жиноят иши қўзғатиш ва дастлабки тергов ўтказиш прокуратура органларининг мутлақ ваколати ҳисобланади.

Ўзбекистон Республикасининг “Халқ депутатлари вилоят, туман ва шаҳар Кенгаши депутатининг мақоми тўғрисида”ги Қонунининг 11-моддасида тегишли халқ депутатлари Кенгашининг розилигисиз депутат мазкур ҳудудда жиноий жавобгарликка тортилиши, ушлаб турилиши, қамоққа олиниши ёки суд тартибида бериладиган маъмурий жазога тортилиши мумкин эмаслиги, депутат тегишли халқ депутатлари

⁵⁶ <https://www.consultant.ru/cons/cgi/online.cgi.04247084371002008>

Кенгашида овоз бериш чоғида фикр билдирганлиги ёки нуқтаи назарини баён этганлиги учун ҳамда ўз ваколатларини амалга ошириши билан боғлиқ бошқа ҳаракатлари учун жавобгарликка тортилиши мумкин эмас, шу жумладан, ваколатлари муддати тугаганидан кейин ҳам жавобгарликка тортилиши мумкин эмаслиги, агар шундай хатти-ҳаракатлар муносабати билан депутат ҳақорат қилишга, тухмат қилишга ёки қонун ҳужжатларида жавобгарлик назарда тутилган бошқа қонунбузарликларга йўл қўйган бўлса, у дахлсизлик ҳуқуқидан маҳрум қилинган тақдирда жавобгарликка тортилиши белгиланган. Ушбу Қонуннинг 12-моддасида депутатларни дахлсизлик ҳуқуқидан маҳрум қилиш тартиби белгиланган бўлиб, унга кўра депутатни дахлсизлик ҳуқуқидан маҳрум қилиш тўғрисидаги масала тегишинча вилоят, туман, шаҳар прокурорининг ёки юқори турувчи прокурорнинг тақдимномасига биноан ҳалқ депутатлари Кенгаши томонидан **ўн кун ичида** ҳал этилади. Депутатни жиноий жавобгарликка тортишга, ушлаб туришга, қамоқقا олишга ёки унга нисбатан суд тартибида бериладиган маъмурий жазони қўллашга розилик олиш тўғрисидаги прокурор тақдимномаси тегишли ҳалқ депутатлари Кенгаши томонидан кўриб чиқилади. Агар депутат ўзи ҳалқ депутатлари Кенгаши депутати бўлган вилоят, туман ёки шаҳар ҳудудидан ташқарида жиноят ёки маъмурий ҳуқуқбузарлик содир этган бўлса, депутатни жиноий жавобгарликка тортишга, ушлаб туришга, қамоқقا олишга ёки унга нисбатан суд тартибида бериладиган маъмурий жазони қўллашга розилик олиш талаб қилинмайди⁵⁷.

Шу жойда бир ўринли савол туғилади: пора олиш жиноятини фош этиш, далилларни аниқлаш, олиш ва тўплаш одатда кечиктириб бўлмайдиган тергов ҳаракатларини ўтказишни талаб этади. Юқоридаги Қонун талабидан келиб чиқадиган бўлсак, прокурор томонидан тегишли ҳалқ депутатлари Кенгашининг розилигини олиш учун кетган 10 кунлик

⁵⁷ Ўзбекистон Республикасининг “Ҳалқ депутатлари вилоят, туман ва шаҳар Кенгаши депутатининг макоми тўғрисида”ги Қонуннинг 12-моддаси.

вақт мобайнида бошқа жиноятнинг олдини олиш, далилларни тўплаш, текшириш ва баҳолашга рахна солувчи ҳаракатларни қилмаслиги кафолати нима?

Масалан, 2020 йилнинг апрель ойида халқ депутатлари Наманган шаҳар Кенгashi депутати Толиб Муҳаммадиев ва ИИБ ходимлари ўртасидаги тортишув ижтимоий тармоқларнинг муҳокама мавзусига айланди. Мазкур ҳолат юзасидан Наманган шаҳар прокуратураси томонидан халқ депутатлари Наманган шаҳар Кенгashiга депутат Т.Муҳаммадиевга нисбатан ЖКнинг 219-моддаси 2-қисми билан жиноят иши қўзғатиш ва “қамоққа олиш” эҳтиёт чорасини қўллаш ҳақида розилик сўралган. Бироқ, етарли асослар ва далиллар мавжуд бўлсада, халқ депутатлари Наманган шаҳар Кенгashi томонидан дастлаб розилик берилмаган. Орадан бир неча кун ўтгач, депутат Т.Муҳаммадиевга нисбатан жиноят иши қўзғатишга розилик берилиб, “қамоққа олиш” эҳтиёт чораси қўллашга розилик берилмаган.

Шу боисдан юқоридаги каби ҳолатларнинг олдини олиш, жиноятларни иссиқ изидан фош этиш ва кечиктириб бўлмайдиган тергов ҳаракатларини ўз вақтида ўтказилишини таъминлаш мақсадида Ўзбекистон Республикаси Жиноят-процессуал кодексининг 331-моддасига қўшимча киритиш лозим бўлади.

Жумладан, ЖПКнинг 331-моддасини 6-қисм билан тўлдириб, унга кўра: “дахлсизлик ҳуқуқига эга бўлган шахсларга нисбатан жиноят ишини қўзғатишга фақат Қорақалпоғистон Республикаси прокурорининг, вилоятлар ва Тошкент шаҳар прокурорларининг розилиги билан ёхуд Ўзбекистон Республикаси Бош прокурори ёки унинг ўринбосарининг розилиги билан йўл қўйилади” деб қўшимча киритилиши мақсадга мувофиқ бўлади.

Шунингдек, ЖКнинг 210-моддаси билан жиноят ишини қўзғатишда давлат иштирокидаги ташкилотнинг мансабдор шахси ҳамда нодавлат тижорат ташкилотининг мансабдор шахси томонидан содир этилган бир

хил турдаги жиной жатти-ҳаракатлар учун жиноят кодексининг турли моддаларида жавобгарлик белгиланганлигига алоҳида эътибор бериш керак бўлади.

Масалан, ЖКнинг 210-моддасида давлат органи, давлат иштирокидаги ташкилот ёки фуқароларнинг ўзини ўзи бошқариш органи мансабдор шахси томонидан пора олганлиги учун жавобгарлик белгиланган бўлса, ЖКнинг 192⁹-моддасида порани тижорат ташкилотининг ёки бошқа нодавлат ташкилотининг мансабдор шахси олган тақдирда жиноий жавобгарлик кўзда тутилган.

Шу сабабли, тергов органларининг олдида қилмишга баҳо бериш учун биринчи навбатда жиноят содир этган мансабдор шахс ишлайдиган ташкилотнинг мулк ҳуқуқини тўғри аниқлаб олиш вазифаси туради.

Бироқ, амалиётда айрим пайтларда мутахассислар иштирокисиз муайян бир ташкилот ёки корхонада давлат улуши бор-йўқлигини аниқлаб олишда қийинчиликлар мавжуд.

Масалан, Ўзбекистон Республикаси Президентининг 27.10.2020 йилдаги “Давлат иштирокидаги корхоналарни ислоҳ қилишни жадаллаштириш ҳамда давлат активларини хусусийлаштиришга оид чоратадбирлар тўғрисида”ги ПФ-6096-сонли Фармонида “Худудий электр тармоқлари” АЖ йирик давлат корхонаси ва хўжалик бирлашмаси сифатида қайд этилган.

Мисол сифатида келтирадиган бўлсак, “Хоразм худудий электр тармоқлари” АЖнинг Низомига мувофиқ ушбу жамият устав фондининг 99,95 фоиз улуши “Худудий электр тармоқлари” АЖга тегишлидир.

Шу билан бирга Ўзбекистон Республикаси Президентининг 17.10.2016 йилдаги “Давлат улуши устувор бўлган акциядорлик жамиятларида корпоратив бошқарувни янада такомиллаштириш чоратадбирлари тўғрисида”ги ПҚ 2635-сон Қарорининг 5-бандида:

- акциядорлик жамиятларининг устав фондида давлат улуши бўлган акцияларига давлат бошқаруви ва маҳаллий давлат ҳокимиияти

органлари, давлат унитар корхоналари ва муассасалари, Марказий банк ҳамда Реконструкция қилиш ва ривожлантириш фондига тегишли акциялар кириши;

- хўжалик бошқарув органларига мулк ҳукуқи асосида тегишли бўлган акциялар устав фондидағи давлат улуши бор акциялар ҳисобланмаслиги кўрсатилган.

Ўзбекистон Республикасининг 06.05.2014 йилдаги “Акциядорлик жамиятлари ва акциядорларнинг ҳукуқларини ҳимоя қилиш тўғрисида”ги ЎРҚ-370-сонли Конунининг З-моддасига кўра устав фонди (устав капитали) акциядорларнинг акциядорлик жамиятига нисбатан ҳукуқларини тасдиқловчи муайян миқдордаги акцияларга тақсимланган тижорат ташкилоти акциядорлик жамияти деб эътироф этилиши белгиланган.

Бундан кўринадики, “Хоразм ҳудудий электр тармоқлари” АЖ давлат улуши мавжуд бўлмаган тижорат ташкилоти эканлигини англаш мумкин.

Шундай ҳолатда “Хоразм ҳудудий электр тармоқлари” АЖ мансабдор шахси ўз хизмат мавқеидан фойдаланган ҳолда содир этиши лозим ёки мумкин бўлган муайян ҳаракатни пора эвазига амалга оширган тақдирда, унинг қилмишларини ЖКнинг 192⁹-моддаси билан квалификация қилиш лозим бўлади.

Бироқ, “Хоразм ҳудудий электр тармоқлари” АЖ ва унинг мансабдор шахси аслида тўғридан-тўғри давлат улуши мавжуд бўлмаса-да давлат корхонаси томонидан ташкил этилган давлат ташкилотидир. Унинг мансабдор шахси томонидан содир этилган пора олиш жиноятини ЖКнинг 192⁹-моддаси билан квалификация қилиш мақсадга мувофиқ бўлмай, ЖКнинг 8-моддасида белгиланган одиллик принципи нормаларига, яъни шахснинг ижтимоий хавфлилик даражасига мувофиқ бўлиши кераклиги ҳақидаги талабларига мос келмайди.

Шу сабабли, ЖК ва бошқа қонунларга ўзгартириш киритиш таклифини бериш лозим бўлади.

Чунки, ЖКнинг 192⁹-моддаси 1-қисми ижтимоий хавфи катта бўлмаган жиноят ҳисобланса, 210-модданинг 1-қисми унча оғир бўлмаган жиноятлар таснифига киради ва табиийки уларга белгиланган жазолар ўртасида катта фарқ бор.

Юқоридагиларни инобатга олган ҳолда, амалдаги ЖК ва (ёки) Ўзбекистон Республикаси Бош прокуратураси томонидан 22.02.2021 йилда “regulation.gov.uz” норматив-хуқуқий лойиҳалар мухокамаси порталида эълон қилинган Ўзбекистон Республикаси Жиноят кодекси лойиҳасига куйидагича ўзгартириш киритиш таклифини берилади:

Амалдаги ЖКнинг 8-бўлимида қайд этилган ёхуд лойиҳадаги ЖКнинг 3-моддасидаги “Давлат иштирокидаги ташкилот” атамасининг 2-бандда берилган “тўлиқ ёки қисман давлат органи ёки давлат ташкилоти томонидан ташкил этилган ёки таъсис этилган нотижорат ташкилоти” деган тушунчага “...тижорат ва нотижорат ташкилоти” деб тўлдириш таклифи берилади.

Хулоса қилиб айтганда, юқоридаги ҳолатлар бўйича қонунга тегишли ўзгартиришларни киритиш давлат органи томонидан ташкил этилган тиҷорат ташкилотлари мансабдор шахсларининг жавобгарлигини мустаҳкамлаш уларнинг хизмат вазифаларига нисбатан масъулиятини кучайтиради ва тизимнинг барқарор ўсишига кўмак бериб, коррупциянинг олдини олиш борасида ўз самарасини беради. Шунингдек, терговчига пора олиш бўйича жиноят иши қўзғатилгандан кейин далилларнинг йўқ қилинишини, гумонланувчининг бошқа жиноят содир этилишининг олдини олиш ва жиноятлар тақрорланишига йўл қўймаслик ҳамда иш учун аҳамиятли бўлган жиноят излари, далиллар ва хужжатларни мустаҳкамлаш ҳамда қўриқлаш юзасидан дархол чоралар кўриш имконини беради.

ІІІ БОБ. ПОРА ОЛИШ ЖИНОЯТИНИ ТЕРГОВ ҚИЛИШ БОСҚИЧИДА МУАЙЯН ҲАРАКАТЛАРНИ ЎТКАЗИШ МАСАЛАЛАРИ.

3.1 Пора олиш жиноятини тергов қилишда алоҳида тергов ҳаракатларини амалга оширишнинг хусусиятлари

Пора олиш ҳақидаги жиноят иши жамоатчилик, мансабдор шахслар вакилларининг маълумотларига кўра, фуқароларнинг аризалари, матбуотдаги хабарлар ва ваколатли органларнинг тезкор-қидирув тадбирлари орқали фош этилади. Терговчи, жиноят иши қўзғатиш ҳақида қарор қабул қиласкан, юз берган вазиятни ва бошланғич маълумотларни баҳолайди ҳамда уларга асосан версиялар ишлаб чиқиб, тергов режасини тузади.

Хукуқшунос олимлар С.О.Ўразбаев, И.Р.Астанов, Б.З.Каримовлар порахўрликни тергов қилишнинг типик вазиятларига қуидагилар тергов ҳаракатларини ўтказишни айтиб ўтишган:

- 1. Жиноят ҳақидаги ахборот тезкор манбалардан тушиганда:**
 - а) Гувоҳларни сўроқ қилиш;
 - б) Ҳужжатларни олиб қўйиш ва кўздан кечириш;
 - в) Суриштирув органларига тезкор қидирув чораларини амалга оширишни топшириш;
 - г) Пора берувчи ва пора олувчини ашёвий далиллар билан ушлаш; уларни шахсий тинтуб қилиш;
 - д) Порахўрларнинг яшаш жойида тинтуб ўтказиш ва унинг молмулкига банд солиш;
 - е) Гумон қилинувчиларни сўроқ қилиш.⁵⁸
- 2. Порахўрлик факти ҳақидаги ахборот расмий манбалардан тушиган. Порахўрларга уларнинг ҳаракатлари билан хукуқни муҳофаза**

⁵⁸ Порахўрлик билан боғлиқ жиноятларни тергов қилиш хусусиятлари. Амалий қўлланма. ю.ф.н. С.О.Ўразбаев, ю.ф.д. доц. И.Р.Астанов, Б.З.Каримов – Т.: Бош прокуратура Академияси, 2019. 17-бет.

қилувчи органларнинг ходимлари қизиқаётганлиги маълум:

- а) Гувоҳларни сўроқ қилиш;
- б) Ҳужжатларни олиб қўйиш ва кўздан кечириш;
- в) Суриштирув органларига тезкор қидирув чораларини омалга оширишни топшириш;

3. Кейинги тергов ҳаракатлари:

- а) Таниб олиш учун кўрсатиш;
- б) Гувоҳларни сўроқ қилиш;
- в) Айбланувчиларни сўроқ қилиш;
- г) Юзлаштириш;
- д) Суд экспертизаларини тайинлаш.⁵⁹

Маълум бир мансабдор шахс томонидан пора олинганлиги ҳақида аниқ далил мавжуд бўлса. Бундай ҳолларда, одатда, жиноят иши қўзғатилади ва тергов режаси тузилади.

Бошланғич тергов жараёнида:

- а) гувоҳларни сўроқ қилиш, мансабдор шахс томонидан пора берувчининг манфаатларини кўзловчи ҳаракатлар қилинганлигини тасдиқловчи ҳужжатларни олиб қўйиш ва кўздан кечириш;
- б) пора берувчини ушлаш ва сўроқ қилиш; шерикларни тинтуб қилиш, пора предметини кўздан кечириш;
- в) юзлаштириш, криминалистик экспертиза тайинлаш, керак бўлса ҳужжатларни суд-дастхат ёки криминалистик техник ўрганиш, товаршунослик экспертизаси тайинлаш, тинтуб пайтида шубҳаланувчидан олиб қўйилган нарсаларнинг тури ва сифатини аниқлаш, суд-бухгалтерия экспертизаси тайинлаб, маблағ тўловлари тўғрилигини ҳисобга олиш билан боғлиқ масалаларни ҳал қилиш лозим⁶⁰.

Хорижий давлатлар тажрибасига эътибор қаратадиган бўлсак, Белоруссияда пора олиш жиноятини тергов қилишдан олдин тергов

⁵⁹ Порахўрлик билан боғлиқ жиноятларни тергов қилиш хусусиятлари. Амалий кўлланма. ю.ф.н. С.О.Ўразбаев, ю.ф.д. доц. И.Р.Астанов, Б.З.Каримов – Т.: Бош прокуратура Академияси, 2019. 18-бет.

⁶⁰ Порахўрлик билан боғлиқ жиноятларни тергов қилиш хусусиятлари. Амалий кўлланма. ю.ф.н. С.О.Ўразбаев, ю.ф.д. доц. И.Р.Астанов, Б.З.Каримов – Т.: Бош прокуратура Академияси, 2019. 18-бет.

режасини тузишда қуйидагиларга алоҳида эътибор берилиб, тергов режасининг асосини ташкил этади:

- 1) Пора олиш бўйича олинган барча маълумотларни текшириш ва уларни белгиланган тартибда ашёвий далил сифатида жиноят ишига кўшиш;
- 2) Тезкор эксперимент давомида тўпланган ва олинган ашёвий далиллар, хужжатларни синчковлик билан текшириш;
- 3) Порани олган вақтда ушлаш;
- 4) Пора олиш жойини кўздан кечириш ва тинтуб ўтказиш.⁶¹

Жиноятни тергов қилишда, дастлаб қуйидаги тергов ҳаракатларини ўтказилиши тавсия қилинади:

- 1) Аризачини сўроқ қилиш;
- 2) Пора олишга алоқадор бўлган барча шахсларда тинтуб ўтказиш;
- 3) Пора олганни ушлаш (задержание взяточника);
- 4) Шахсий тинтуб ўтказиш;
- 5) Пора предметини кўздан кечириш;
- 6) Гумонланувчини сўроқ қилиш;
- 7) Ишга алоқадор хужжатларни кўздан кечириш;
- 8) Мол-мулкка таъқиқ қўйиш ёхуд қидиувга бериш;
- 9) Гувоҳларни сўроқ қилиш;⁶²

Беларуссия фуқаролик кодексида мансабдор шахслар, уларга алоқадор бўлган жисмоний ва юридик шахсларга ҳадя қилиш таъқиқланганлиги эса алоҳида аҳамиятга эга.

Барча ҳукуқшунослар олимлар пора олиш жиноятини тергов қилиш чоғида ўтказиладиган тергов ҳаракатларининг мажбурий қетма-кетлигини белгилашдан тийилиб, тавсиявий йўналишларда ўз фикрларини ва

⁶¹ Методика расследования коррупционных преступлений: Научно-практическое пособие для следователей и оперативных работников правоохранительных органов/С.В.Войцеховская, В.Х.Кадыров и др. – Мн.,2005. 75-бет.

⁶² Методика расследования коррупционных преступлений: Научно-практическое пособие для следователей и оперативных работников правоохранительных органов/С.В.Войцеховская, В.Х.Кадыров и др. – Мн.,2005. 76-77-бет.

мулоҳазаларини билдиришган. Чунки, ҳар бир ҳолатдаги жиноят шу тоифадаги бошқа бир жиноят бўйича ўзининг ҳусусиятлари, содир этиш механизмлари ва бошқа вазиятларига кўра тубдан фарқ қиласди. Шу сабабдан ҳам юқоридаги олимларнинг фикрига қўшилган ҳолатда пора олиш жиноятини тергов қилишда тергов режасини тузиш ва ўтказиладиган тергов ҳаракатлари бўйича қарор қабул қилиш терговчининг маҳоратига боғликдир.

Жиноятни тергов қилиш жараёнида айбланувчи томонидан ўзининг аввал берган кўрсатувларини ўзгартириб, бошқача кўрсатмалар бериш ҳолатлари кузатилади. Кўрсатмаларни ўзгартириш сабаблари турлича бўлиши мумкин. Масалан, айбланувчининг айби тергов жараёнида исботланмаётганини билганида, тергов ҳаракатларини олиб бораётган терговчи йўл қўяётган хатоликлар, бошқа иштирокчилар билан ўзаро келишган ҳолда аввал берган кўрсатувларидан қайтиш, гувоҳларни ёлғон кўрсатувлар беришга кўндириш, жиноят ишини бир терговчидан бошқасига ўтиши ва ҳ.к.

Шундай ҳолатларда, биринчи навбатда айбланувчининг нима сабабдан ўзининг аввал берган кўрсатувларидан қайтиб кетиш сабабларини аниқлаш лозим. Сўнгра, аниқланган сабабга қараб тергов қилиш йўналишини қайта кўриб чиқиш ва камчиликларни бартараф этиш учун қўшимча далилларни тўплашга эътибор қаратиш керак бўлади.

Аввало, жиноят устида кўлга олишни синчков тарзда режалаштириш зарур. Жиноят устида кўлга олингандан сўнг пора олувчини ўша захоти, пора предмети унга қай йўсинда келиб тушганлиги ҳақида баҳона топмасидан туриб сўроқ қилиш керак. Бундай ҳолатларда қўпинча пора олувчи ўз айбини тан олади ва ҳаққоний кўрсатувлар бера бошлайди. Шу сабабдан ҳам ЖПКнинг 325-моддасида ушланган шахс ушлаб келтирилган пайтдан бошлаб йигирма тўрт соатдан кечиктирилмай сўроқ қилиниши лозимлиги белгиланган.

Пора олиш жиноятини тергов қилишда айрим тергов ҳаракатларини

үтказишда қуидаги жиҳатларга эътибор қаратиш лозим бўлади:

Шахсий тинтув ва порахўр шерикларининг уй-жойларини ҳамда мансабдор шахснинг-пора оловчининг иш жойини тинтув қилиши мазкур жиноятни тайёрлаш тўғрисида гувоҳлик берувчи ҳужжатлар ва пора предметларини, жиноий йўл билан топилган моддий бойликларни топиш ва олиб қўйиш мақсадида амалга оширилади. Одатда шахсий тинтув ва хона тинтуви бир вактда амалга оширилади. Алоҳида эътибор пора оловчининг пора берувчи, воситачи ва бошқалар билан алоқасини тасдиқловчи хатларга, почта квитанциялари, турли хил ёзувлар, телефон номерларига қаратилиши лозим. Тинтув пайтида шунингдек, шифрланган ёзувлар, шубҳа остидаги шахс ўз алоқасини инкор этувчи шахс тушган фотосуратларга эътибор бериш керак⁶³.

Хужжатларни кўздан кечириши жуда муҳим тергов ҳаракатларидан биридир. Баъзи бир ҳолатларда у пора олиш-бериш ҳолатларига алоқадорларни аниқлашга имкон яратса, бошқа бир ҳолатларда порахўрликка йўл очиб берувчи ҳисботни йўлга қўйилмаганлигини аниқлайди, учинчидан мансабдор шахсни пора берувчининг манфаатларини кўзлаб маълум бир ҳаракатларни амалга оширганлиги ёки оширмаганлигини тасдиқлайди. Хужжатларни кўздан кечириш жиноятчи киритган ўзгартиришлар, қалбакилаштириш, ҳужжатларни расмийлаштиришнинг ноодатийлиги, тегишли реквизитларнинг мавжудлиги, мансабдор шахснинг иш бажарилганлиги тўғрисидаги устхат ва белгиларини аниқлашга ёрдам беради. Порахўрлар ўз жиноий кирдикорлари изларини йўқ қила олмасликлари учун ҳужжатларни кўздан кечиришни кечиктириб бўлмайди.

Гувоҳларни сўроқ қилиши. Порахўрлик бўйича гувоҳлик бериши мумкин бўлган шахслар груҳи жиноят иши қўзгатилишига асос бўлган материалларга боғлик. Қуидагилар одатда гувоҳ сифатида сўроқ

⁶³ Порахўрлик билан боғлик жиноятларни тергов қилиш хусусиятлари. Амалий қўлланма. ю.ф.н. С.О.Ўразбаев, ю.ф.д. доц. И.Р.Астанов, Б.З.Каримов – Т.: Бош прокуратура Академияси, 2019. 21-бет.

қилинадилар: уларга нисбатан таъмагирлик қилган шахслар, порани бериш-олишни кўрганлар; порахўрни жиноят устида қўлга олишда иштирок этганлар; порахўрликда гумон қилинаётган мансабдор шахснинг хизмат фаолияти билан таниш бўлганлар ёки унинг кўрсатмаларини бажарганлар; порахўрнинг шахси ва ахлоқини таърифлаб бера оловчилар (ҳамкасабалар, қўшнилар, қариндошлар). Бу гувоҳлар гуруҳи порахўрлик шерикларининг алоқалари ва пора олишнинг шарт-шароитлари ҳакида керакли маълумот бера оладилар. Гувоҳлик олингандан сўнг гувоҳхолиснинг пора олинган жойда кўрсатувларини текшириш мумкин⁶⁴.

Гувоҳларни сўроқ қилиш ҳам бир неча гуруҳларга бўлинади. Уларнинг биринчи гуруҳи аризачи ва амалдорни алоқаси фактини тасдиқловчи гувоҳлар ҳисобланади. Бундай шахсларга аризачи ва мансабдор шахснинг яқинлари, кўрсатилган субъект билан учрашуви тўғрисида унинг ўзидан эшитган шахслар, қўриқлаш хизмати ходимлари, гардеробчилар, секретар референтлар, мансабдор шахсга бўйсинувчи ходимлар, аризачи берган ҳужжатларни бевосита кўриб чиқиш ваколатига эга бўлган шахсларни киритиш мумкин.⁶⁵.

Терговчи гувоҳни кўрсатув беришдан бўйин товлашининг олдини олиш учун унга фактларни тасдиқловчи ҳужжатни тақдим этиши ва таништириш мақсадга мувофиқдир. Бунда гувоҳларни ўzlари тузган ҳужжатларни ўзига кўрсатилиши кучли таъсир этишини эсда тутиш лозим.

Порахўрликни тергов қилишнинг баъзи ҳолларида пора бериш-олиш, шунингдек бошқа ҳаракатларни амалга оширишда кузатишни текшириш учун *тергов экспериментлари* ўтказилади.

Ходиса содир бўлган жойни қўздан кечириши. Ходиса содир бўлган жойни қўздан кечириш бошлангич ва кечиктириб бўлмайдиган тергов ҳаракати ҳисобланади. Шунинг учун ушбу тергов ҳаракатини тезроқ, ўз вақтида ва сифатли ўтказиш унумли натижа беради.

⁶⁴ Порахўрлик билан боғлиқ жиноятларни тергов қилиш хусусиятлари. Амалий қўлланма. ю.ф.н. С.О.Ўразбаев, ю.ф.д. доц. И.Р.Астанов, Б.З.Каримов – Т.: Бош прокуратура Академияси, 2019. 21-бет.

⁶⁵ М.М.Курбонов, Б.Х.Хамидов, О.Т.Ганиев, Б.З.Каримов. Коррупцион жиноятларни тергов қилиш услубиёти. Ўқув қўлланма – Т.: ТДЮУ, 2020.-51-бет.

Ходиса содир бўлган жойни кўздан кечириш жиноятни очишга ёрдам берадиган ва айбдорни фош қилиши мумкин бўлган ҳолатларни бевосита ўрганиш, далиллар топиш, уни процессуал расмийлаштириб олишга қаратилган ҳаракат эканлигини ёдда тутиш лозим.

Пора олиш, пора бериш ва пора олиш-беришда воситачилик қилиш жиноятлари бўйича кўздан кечириш тергов ҳаракатини ўтказиша терговчи қуидаги вазифани белгилаб олиш билан бажаришга интилиши лозим. Бу вазифалар қуидагилардан иборат:

- ходиса содир бўлган жой билан бевосита танишиб чиқиш;
- бундай жиноятларга тегишли далил бўла оладиган предметлар, буюмлар ва нарсаларни топиш, уларни процессуал қайд этиш, расмийлаштириш ва олиб қўйиб ишга қўшиш;
- жиноят содир бўлганда атроф-муҳитдаги ўзгаришларни аниқлаш ва расмийлаштириш;
- жиноят ҳодисаси ҳолатлари бўйича терговчини кизиқтирувчи баъзи масалаларни ҳал қилиш;
- жиноят жойини кўздан кечиришда хусусий тусмолларни тузиш ва уларни текшириш масалаларини кўриб режалашшиш;
- ушбу жиноятлар бўйича ҳодиса жойини кўздан кечиришда бевосита жиноятчилар ёки қидирилиши керак бўлган кишилар доирасини кўрсатувчи маълумотларни қўлга киритиш масалаларини ҳал қилиш;
- жиноят бўйича жабрланувчи, гувоҳлар ва гумон қилинувчиларнинг баъзи кўрсатувларини жиноят предметига нисбатан текшириб кўриш масалаларни ҳал қилиши лозим⁶⁶

Пора олиш, пора бериш ва пора олиш-бериш жиноятлари бўйича ҳодиса содир бўлган жойни кўздан кечиришда, қўпинча шахсларни ҳам гувоҳлантиришига тўғри келади. Бундай жиноятларда воситачилик қилган

⁶⁶ Порахўрлик билан боғлиқ жиноятларни тергов қилиш хусусиятлари. Амалий қўлланма. ю.ф.н. С.О.Ўразбаев, ю.ф.д. доц. И.Р.Астанов, Б.З.Каримов – Т.: Бош прокуратура Академияси, 2019. 24-бет.

шахсларни жиноят устида кўлга тушириш тезкор-қидирув ходимлари билан биргаликда ўтказилади.

Пора олиш, пора бериш ва пора олиш-беришда воситачилик қилган шахсларни жиноят устида кўлга олганда пора предметидан қолган изларни аниқлаш учун шу шахслар гувоҳлантирилади. Чунки, кўпинча пора ушбу шахсларнинг кийими, кўли ва бошқа жойларида пора предметларининг излар қолади, буни аниқлаш эса жиноятларни фош этишнинг муҳим омиллардан биридир.

Таниб олиш учун қўрсатиш. Ушбу тергов ҳаракатини ўтказишдан олдин таниб оловчи шахснинг қўрсатувлари билан батафсил танишиб, ҳақиқатдан ҳам таниб оловчи шахс тўғри қўрсатув бераяптими, уларнинг орасида шахсий адовати бўлмаган, таниб оловчи шахснинг қўрсатувларида шубҳа уйғотувчи негизлар йўқлигини, таниб оловчи шахснинг қўрсатувларида таниб оловчини ташқи қиёфа белгилари тўлиқ тасвиrlаб ёзилганлигига аҳамият бериш лозимдир.

Олиб қўйилган барча ҳужжатлар кўздан кечирилиши шарт. Қалбакилаштириш аломатлари мавжуд бўлганда, терговчи ҳужжатни сохталаштириш ёки унга ўзгартириш киритиш фактини аниқлаш учун экспертиза тайинлайди. Терговчи ҳужжатнинг айнан қайси қисмига ўзгартириш киритилганлигини ёки сохталаштирилганлигини, уни қалбакилаштирища қандай техник воситалардан фойдавланилганлигини аниқлаш ҳамда унинг муаллифини топиш учун ҳужжатларни криминалистик-техник усулда текшириш экспертизаси ва муаллифшунослик экспертизасини тайинлаши мумкин.

Ҳужжатларни тадқиқ этиш жараёнида унда қолган қўл-бармоқ изларини идентификациялаш учун терговчи дактилоскопик экспертизаси тайинлаши мумкин⁶⁷.

⁶⁷ М.М.Курбонов, Б.Х.Хамидов, О.Т.Ганиев, Б.З.Каримов. Коррупцион жиноятларни тергов килиш услугиёти. Ўқув кўлланма – Т.: ТДЮУ, 2020.-54-бет.

Дастлабки тергов жараёнида жиноят содир этган шахсни аниқлаш, жиноятни фош этиш, жиноят иши бўйича далилларни тўплашда суд-фонография экспертизаси ўзига хос ўрин тутади.

Суд-фонография экспертизаси тайинлаш ва ўтказишдан мақсад тадқиқотга тақдим этилган асбоб-ускуналарга (магнитофон, дикто-фон, видеокамера, уяли телефон, электрон ахборот сақловчи қурилма ва х.к.) ёзиб олинган овозлар (фонограмма)ни текшириш орқали муайян суҳбатнинг мазмуни, суҳбатда иштирок этган шахслар сони, уларнинг жинси, суҳбат шароити ва бошқа ҳолатларни аниқлашдир.

Мазкур экспертиза предметини тадқиқ этилиши талаб қилинган одам овози орқали аниқланадиган, муайян ишга доир фактик маълумотлар ташкил этади.

Агар тадқиқ қилинадиган суҳбат сифати қониқарсиз бўлса ва уни ташқи шовқиндан тозалаш талаб қилинса, экспертлар олдига экспертизага тақдим этилаётган "номсиз" русумли диктофондаги суҳбат ташқи шовқинлардан тозаланиб, унинг стенограммаси тузиш вазифасини юклаш мақсадга мувофиқ.

2020 йилда бутун дунёда, шу жумладан, Ўзбекистонда ҳам COVID-19 вируси тарқалиши билан боғлиқ эпидемиологик вазият сабаб тергов ҳакаракатларини ўтказиш деярли имконсиз бўлиб қолди ва натижада жиноят ишларининг тергови ҳаракатсиз қолди. Бу эса муддатлар билан боғлиқ қонунбузилишларига сабаб бўлди.

Бу каби ҳолатларда тергов ҳаракатларини видеоконференцалоқа режимида ўтказиш мақсадги мувофиқ бўлади. Шу сабабли, худудда эпидемиологик вазият юзага келганда ЖПКнинг 91²-моддасига тергов ҳаракатларини видеоконференцалоқа режимида ўтказиш асосларига киритиш таклифи берилади.

Пора олиш жинояти бўйича самарали тергов олиб боришда замонавий ахборот технологиялари имкониятларидан фойдаланиш ҳозирги замон талаби эканлиги намоён бўлиб бормоқда. Амалда эса ҳанузгача

эскича усулда тергов ҳаракатлари олиб борилмоқда. Тўғри, замонавий аудио ва видеоёзувлардан фойдаланиш амалиётга татбиқ этилган. Бироқ, булар тергов ҳаракатлари натижаларини қайд этиш учунгина ишлатилиши мумкин.

Ҳозирги даврда хорижий давлатларда турли соҳаларда полиграф ёки “ёлғон детектор” хизматларидан фойдаланиш урфга айланмоқда. Полиграф дунёнинг 60 дан ортиқ мамлакатларида хуқуқни муҳофаза қилиш идораларида ва бизнес хавфсизлиги соҳасида қўлланилмоқда. Полиграфиядан кенг миқёсда тергов ва бошқа соҳаларда фойдаланиш АҚШда жуда оммалашган бўлиб, йилига миллионга яқин полиграфия синовлари ўтказилади. Таққослаш учун Ўзбекистонда 2020 йилда 84 та ҳолатда оғир ва ўта оғир жиноятларни тергов қилишда ишлатилганлигига эътибор қаратиш мумкин.

Россиянинг М.В.Ломоносов номидаги Москва давлат университети психология факултети психологи А.М.Черноризова ва С.А.Исайчевлар полиграф ёки “ёлғон детектор” бўйича илмиз изланишлар олиб борган ва бу соҳада кўпгина янгиликларни яратиб, амалиётга жорий қилишган.

Хорижий давлатлардан Українанинг 02.07.2015 йилдаги №580-VIII сонли “Миллий полиция тўғрисида”ги қонунида полицияда хизмат қилиш учун номзодни синовдан ўтказишида полиграфиядан фойдаланишни тартибга солувчи норма мавжуд бўлиб, унга кўра полицияга мурожаат қилган Украина фуқаролари полиграфия тестилинг розилиги билан ишга қабул қилиниши белгиланган⁶⁸.

Замонавий полиграфия – бу шахсий компьютерларга асосланган, параллел жараёнларни: нафас олиш, қон босими, мия, юрак, скелет ва силлиқ мускуллар, титроқ, овоз ва бошқаларни рўйхатдан ўтказиб, шга имкон берувчи ихчам қурилмадир.

⁶⁸ "Психологическая газета" №4, апрель 2003. "Детектор лжи" или Что такое практическая психофизиология.

Ўзбекистон Республикасида ҳам тергов давомида полиграфиядан фойдаланиш бўйича оз бўлсада тажриба мавжуд. Ўзбекистон Республикаси ДХХ ва ИИВ таркибида полиграфия мосламаси ва мутахассислари фаолият олиб бормоқда. Ўзбекистон Республикаси ИИВ кадрлар бош бошқармаси психологияк таъминлаш бўлинмаси таркибида 2 та полиграф штат бирлиги мавжуд бўлиб, улар томонидан маҳсус психофизиологик мослама (халқ орасида “ёлғон детектор” номи билан танилган) ишлатилади. Бироқ, шу кунга қадар бу мослама ёрдамида қанча жиноят ишлари фош этилишида ўз самарасини бергани борасида бирор-бир ҳисобот ёки самарадорликни қўрсатувчи ишлар амалга оширилмаган. Натижада, бу соҳага бўлган эътибор ва уни такомиллаштиришга ишлари ортда қолиб кетган.

Шу сабабдан юқоридагиларни ва хорижий давлатлар тажрибасини инобатга олиб, пора олишда гумонланаётган ёки айбланаётган шахсни полиграф ёки “ёлғон детектор”дан фойдаланиб, бу бўйича мутахассиснинг маълумотини олиш тартибини жорий этиш мақсадга мувофиқ бўлади.

Бу амалиётни жорий этиш пора олиш бўйича жиноят ишини тергов қилишда йўналишни белгилашда, терговни режалаштиришда, иш бўйича исботланиши лозим бўлган барча ҳолатларни синчковлик билан, ҳар томонлама, тўла ва холисона текшириб чиқилишида, ишда юзага келадиган ҳар қандай масалани ҳал қилишда айланувчини ёки судланувчини ҳам фош қиласиган, ҳам оқладиган, шунингдек унинг жавобгарлигини ҳам енгиллаштирадиган, ҳам оғирлаштирадиган ҳолатлар аникланишида ва ҳисобга олинишида ўз самарасини беради.

3.2 Дастлабки тергов давомида жиноятнинг сабаблари ва унинг содир этилишига имкон берган шарт-шароитларни бартараф қилиш масалалари.

Ўзбекистон Республикаси қонунчигида жиноятларни олдини олиш ва унга чек қўйиш жиноий-процессуал фаолият вазифаларига киритилган. Шунингдек, жиноий қилмишларни олдини олиш криминалистика фанининг ҳам асосий йўналишларидан биридир. Айнан шу сабабли, унга илмий адабиётларда жиноят-процессининг асосий функцияларидан бири сифатида қаралади⁶⁹.

Ш.Ф.Файзиевнинг фикрича, жиноятларнинг олдини олиш борасидаги фаолиятнинг самарадорлиги асосан жиноят-процессининг дастлабки босқичида юзага келувчи масалалар ўз вақтида тўғри ҳал қилиниши билан белгиланади. Қонун чиқарувчи жиноят процессининг дастлабки босқичида жиноятларнинг олдини олиш ва уни тўхтатиш чораларини кўришнинг мажбурийлигини қайд этади. Хусусан, тайёрланаётган, содир этилаётган ёки давомли жиноий қилмишлар ҳақидаги ҳар бир ариза ва хабар бўйича дарҳол уларни тўхтатиш чораларини кўриш лозим бўлиб, улар асосан суриштирув органлари томонидан амалга оширилади. Бундай ҳолларда тезкорлик нафақат мазкур жиноятнинг, балки тўхтатилган ҳуқуқбузарликка қандай сабаблар имконият яратган бўлса, айнан шу сабаблар мўлжалланаётган ёки содир этилаётган бошқа ижтимоий хавфли қилмишларнинг ҳам олидини олиш имкониятларини беради.

Пора олиш профилактик таъсирнинг аниқ объектидир. Шунинг учун порахўрликка профилактик таъсир қилишда барча ҳаракатлар бир томондан пора олишнинг юзага келишига тўсқинлик қилишга олиб келиши керак, иккинчи томондан агар бошланган бўлса, унинг тўхтатилишига, олдини олинишига олиб келиши лозим. Пора олишнинг ва

⁶⁹ Ш.Ф.Файзиев. Суриштирув ишини ташкил этиш. Касб-хунар коллажлари учун амалий кўлланма. –Т.: Илм-зиё нашриёти уйи. 2010 й.

бошқа ҳар қандай жиноятнинг олдини олишнинг маъноси ҳам шунда. Бироқ, пора олишда асосий “иштирок этувчи шахс”, инсон, шахс бўлиб, профилактика ишлари айнан ўшалар учун ўтказилади. Бизнинг назаримизда қуидаги назарий схема анча амалий аҳамиятга эга:

- порахўрликка тўсқинлик қилиш;
- порахўрликни тугатиш, олдини олиш;
- порахўр шахсига таъсир ўтказиш;
- сабаб ва шарт – шароитларини бартараф этиш⁷⁰.

Пора олиш ва коррупциянинг бошқа кўринишларига қарши курашишда АҚШ давлатининг тажрибаси эътиборга лойик. У ерда 1990 йилда қабул қилинган “Давлат хизматчилари ва амалдорларининг ахлоқ қоидалари принциплари” тўғрисидаги, 1978 йилдаги “Давлат муассасалари ахлоқ қоидалари тўғрисида”ги, “Айрим гувоҳлар учун дахлсизлик мақомини назарда тутувчи уюшган жиноятчилик устидан назорат қилиш тўғрисида”ги, 1970 йилдаги “Рекет, босим ўтказиш, коррупция ва уюшган жиноятчилик билан курашиш тўғрисида”ги федерал қонунлар тизими (РИКО деб номланади) амал қилиб келинмоқда. Айтиш жоизки, АҚШда айнан РИКО қонунларини кўллаш орқали коррупция, уюшган жиноятчилик ва наркобизнес жиноятлари сони тушган. Ушбу қонунларнинг моҳияти жиноий ташкилот аъзоларига ва коррупционерларга нисбатан конфискация институтини қўллаш ва юридик шахсларни жавобгарликка тортишдан иборат⁷¹.

Коррупциявий жиноятларга қарши курашишда ижобий ютуқларга эришган давлатлардан бири бу – Сингапур давлатидир. Айтиш жоизки, Сингапур Осиё давлатлари ичida коррупция энг ривожланган давлат ҳисобланган. 1952 йилда Сингапурда коррупциявий жиноятларни тергов қилиш бўйича қўмита ташкил этилган. Бюро фақат Бош вазирга бўйсуниб, давлат ва хусусий секторда доимий назоратни олиб борган. Сингапурдаги

⁷⁰ Порахўрлик билан боғлиқ жиноятларни тергов қилиш хусусиятлари. Амалий қўлланма. ю.ф.н. С.О.Ўразбаев, ю.ф.д. доц. И.Р.Астанов, Б.З.Каримов – Т.: Бош прокуратура Академияси, 2019

⁷¹ В.Н.Агеев. Противодействие «государственной коррупции»: зарубежный опыт/В.Н.Агеев// - Следователь. -2008. - №8. С. 7-10.

амалдорлар ҳар йили ўз мулки, шунингдек, оила аъзолари ва фарзандларига тегишли бўлган компаниялардан оладиган улушлари ҳақида маълумот беришлари шарт бўлган. Агар мансабдор шахснинг бошқа ташкилотлар ва шахслардан пул маблағларини ёки қимматбаҳо совға кўринишидаги буюмларни олгани ёхуд бошқа мол-мулклари мавжудлиги бюро томонидан аниқланса, озодликдан маҳрум қилиш ёки 100.000 доллар жарима солинган. Агарда амалдор ёлғон гапирган бўлса, унга нисбатан 1 йилгача қамоқ ёки 10.000 доллар жарима тўлаш тариқасидаги жиноий жазо чоралари қўлланилган.

Агарда бундай шахслар чет эл фуқаролари бўлса, уларга жарима солиниб, Сингапур давлати ҳудудида хўжалик фаолияти билан шуғулланиш ҳуқуки олиб қўйилган⁷².

Пора олиш ва коррупциявий жиноятларнинг олдини олиш ҳамда унга қарши курашишда Жанубий Корея дастурлари ижобий натижалар берадётганини таъкидлаш мумкин. Жанубий Кореяда 1999 йилдан бери миллий антикоррупция дастурлари ичида ҳақиқий янгилик ҳисобланган “OPEN” онлайн тизими амалда бўлиб келмоқда. Ушбу тизимнинг вазифаси мансабдор шахслар устидан фуқаролар берган аризаларни кўриб чиқишдан иборат. Шунингдек, 2002 йил 1 январдан кучга кирган “Коррупцияга қарши курашиш тўғрисида”ги қонуни ҳам халқаро ҳуқуқ субъектлари орасида катта эътирофга сазовор бўлган. Унга кўра коррупция факти бўйича ҳар қандай ариза бўйича жиноят иши қўзғатилади. Жиноят иши қўзғатиш мамлакатнинг бош антикоррупцион органи ҳисобланган аудит ва инспекция бўйича комитети томонидан амалга оширилади.

Тадқиқ этилаётган масала юзасидан хорижий мамлакатлар тажрибасини таҳлил қилиб айтиш мумкинки, кўпчилик хорижий мамлакатларда коррупцияга қарши курашиш учун маҳсус дастурлар қабул қилинмоқда. Улар ўз ичига бу турдаги жиноятларга қарши курашишдаги

⁷² И.А.Терешенко. Коррупция как фактор угрозы национальной безопасности Российской Федерации: политологический анализ. :М.2010

кейинги хуқуқий асосларни ривожлантириши масалаларини, бу билан шуғулланувчи хуқуқни муроҳофаза қилиш органларининг тегишли бўлинмалари фаолиятини янада кучайтиришни, иш фаолияти самарадорлигини оширишни, коррупциялашган жиной гурухлар ёки ташкилотларга аъзо шахсларни, шунингдек бунда гумон қилинаётганларни телефон ва бошқа сўзлашувларини эшишиб туришни, гувоҳларнинг ҳавфсизлиги таъминлаш ва бошқа масалаларни қамраб олади⁷³. Бундай тажрибаларнинг ижобий томонларидан фойдаланиш Ўзбекистон учун ҳам фойдадан ҳоли бўлмайди.

Нидерландия давлатида пора олиш билан боғлиқ жиноят ишининг барча материаллари, агарда у ҳавфсизлик масалаларига алоқадор бўлмаса белгиланган тартибда ошкор қилишини қайд этилган. Бундан ташқари, оммавий ахборот воситаларининг пора олишга жиноятини фош этишга қарши фаолияти қонун билан мустахкамланган бўлиб, аксарият ҳолларда улар берган маълумотларга кўра жиноят иши қўзғатилиб, тергов харакатлари бошланиши белгилаб ўтилган.

Ўзбекистон Республикаси ЖПКнинг 296-моддасига мувофиқ жиноят ишларини юритишда суриштирувчи, терговчи, прокурор ва суд жиноятнинг сабабларини ва унинг содир этилишига имкон берган шарт-шароитларни аниқлашлари шартлиги белгиланган.

Пора олиш (ЎзР ЖКнинг 210-моддаси) жинояти юзасидан дастлабки тергов харакатларини олиб бораётган терговчи ушбу жиноятнинг содир этилишига кўмаклашувчи сабаб ва шарт-шароитларни аниқлашга ва уларни тақдимнома чиқариш йўли билан тегишли ташкилотларнинг тегишли раҳбарларидан бартараф қилишни талаб қилиши зарур. Бу ўринда сансоларлик, бюроқратлик, ошна-оғайнингарчилик, мансабдор шахслар томонидан ўз хуқуқларини ёхуд тақдимнома ижросини бошқа шахсларга назоратсиз бериб қўйиш ҳолларига алоҳида эътибор қаратиш лозим.

⁷³ П.Н.Кобец. О некоторых направлениях использования в отечественном законодательстве зарубежного и международного опыта предупреждения и и пресечения коррупции в государственном аппарате / П.Н.Кобец. // Следователь. -2009. -№2.

Шунга кўра, аниқланган пора олиш жиноятининг келиб чиқиш сабаблари ва унга имкон берган шарт-шароитларни бартараф қилиш юзасидан тегишли давлат органига, фуқароларнинг ўзини-ўзи бошқариш органига, жамоат бирлашмасига, жамоага ёки мансабдор шахсга ана шу сабаб ва шарт-шароитларни бартараф қилиш чораларини кўриш тўғрисида тақдимнома киритади. Тақдимноманинг нусхаси жиноят ишига қўшиб қўйилади (ЎзР ЖПК 297-модда).

Терговчининг ушбу тоифадаги ҳужжатини киритишдан кўзланган асосий мақсад:

- содир этилган жиноятнинг келиб чиқиш сабаблари ва унга имкон берган шарт-шароитларни бартараф қилиш, шунга ўхшаш бошқа жиноятлар содир этилишининг олдини олиш, қонунбузилишларининг бартараф этилишига эришиш;
- жиноятнинг мазмун-моҳиятини ва ҳар бир содир этилган жиноят учун жазо муқаррарлигини кенг жамоатчиликка тушунтириш;
- жиноятнинг келиб чиқиш сабаблари ва унга имкон берган шарт-шароитларни бартараф қилиш услублари бўйича аниқ тавсиялар бериш;
- профилактик таъсир ўтказиш ва жамоатчиликда қонунларга ҳурмат руҳини шакллантиришга йўналтирилган бўлиши зарур.

Терговчининг тақдимномасида жиноятнинг келиб чиқиш сабаблари ва бунга имконият яратиб бераётган шарт-шароитлар, унга йўл қўйган шахслар ва уларнинг жавобгарлик масаласи, агар жиноят содир этилиши жараёнида муайян норматив-хуқуқий ҳужжат талаблари бузилган бўлса, ушбу норматив-хуқуқий ҳужжатнинг тўлиқ номи ва талаблари аниқ акс эттирилиши лозим бўлиб, бу талаблар ушбу ҳужжатнинг хуқуқий ва мантиқий асосини ташкил этади.

Тақдимнома сифатли расмийлаштирилиши ҳамда унинг матнида Ўзбекистон Республикаси “Норматив-хуқуқий ҳужжатлар тўғрисида”ги Қонунининг 25-моддаси талабларидан келиб чиққан ҳолда бузилган норматив-хуқуқий ҳужжатнинг тури, номланиши, қабул қилинган куни ва

тартиб рақами тўғри акс эттирилган бўлиши лозим.

Мазкур ҳужжат матнида юридик терминлар ва бошқа жумлалар оддий, равон ва ҳамма учун тушунарли сўзлар билан изоҳланиши керак.

Унда тилга олиниши лозим бўлган обьектларнинг қисқартирилган номи бўлган тақдирда (масалан, ДСҚ – Давлат солиқ қўмитаси ва хоказо) ҳужжатнинг бошида мазкур обьектнинг тўлиқ номи кўрсатилиши зарур, кейинги ўринларда унинг қисқартирилган номи ёзилиши мумкин.

Шунингдек, тақдимнома юборилаётган обьектнинг манзили аниқ кўрсатилиши ҳамда унда қайд этилган жиноятнинг келиб чиқиш сабаблари ва бунга имконият яратиб бераётган шарт-шароитларни бартараф этиш, шунга йўл қўйган шахслар ва уларнинг жавобгарлик масаласини ҳал қилиш ваколатига эга бўлган орган ёки мансабдор шахсга юборилиши шарт.

Жиноятнинг сабабларини ва унинг содир этилишига имкон берган шарт-шароитларни бартараф қилиш тўғрисидаги тақдимнома юборилган давлат органи, фуқароларнинг ўзини ўзи бошқариш органи, жамоат бирлашмаси, жамоа ёки мансабдор шахс зарур чораларни кўриши ва кўрилган чораларнинг натижалари тўғрисида кечи билан бир ойлик муддат ичida терговчини хабардор қилиши шарт.

Ўзининг мавқе ва процессуал ҳужжатлар орасида тутган ўрнига кўра терговчининг пора олиш жинояти юзасидан киритадиган тақдимномаси ҳар бир терговчининг ҳукуқий онги, билим савияси, касбий қобилияти, шаъни ва қадр-қимматини ифодаловчи ҳужжатлардан бирига айланмоғи лозим.

Ўзбекистон Республикаси Жиноят процессуал кодексининг 297-моддаси 2-қисмида тақдимнома ёки хусусий ажрим бажарилмаган ёки вижданан бажарилмаган тақдирда корхона, муассаса ёки ташкилотнинг айбдор раҳбари қонунда назарда тутилган жавобгарликка тортилиши белгиланган.

Шу ўринда Ўзбекистон Республикаси Маъмурий жавобгарлик

тўғрисидаги кодекснинг 181-моддасида суднинг хусусий ажрими (қарори) бўйича чоралар кўрмаслик учун, 196-моддасида ҳуқуқбузарлик сабаблари ва шарт-шароитларини бартараф этиш юзасидан Ўзбекистон Республикаси Миллий гвардияси ва ички ишлар органларининг ёзма тақдимномаларини бажариш чораларини кўрмаслик учун, 197-моддасида прокурорнинг қонуний фаолиятига тўсқинлик қилиш ва унинг талабларини бажармаслик учун, 198-моддасида ҳокимият вакилининг қонуний талабларини бажармаслик ёки хизмат вазифаларини бажаришига тўсқинлик қилиш учун жавобгарлик белгиланган.

Бироқ, терговчи ва суриштирувчи жиноят ишини тергов қилиш чоғида жиноятнинг сабабларини ва унинг содир этилишига имкон берган шарт-шароитларни бартараф қилиш чораларини кўриш тўғрисидаги тақдимномасини мансабдор шахслар томонидан ижро қилмаганлик ёки лозим даражада ижро қилмаганлик учун жавобгарлик белгиланмаган.

Шу сабабли, юқоридаги ҳолат бўйича маъмурий жавобгарликни белгилаш келгусида мансабдор шахсларнинг масъулиятини ошириб, пора олиш жиноятларининг камайишига замин яратади.

Шунингдек, Адлия вазирлиги томонидан қурилиш, соғлиқни сақлаш, олий таълим ва давлат харидлари соҳасидаги қонун хужжатлари экспертизадан ўtkазилганда, 226 та қонун хужжатининг 65 тасида (29 фоизи) 292 та коррупциявий омиллар мавжудлиги аниқланган. Булар, асосан:

- «норматив ҳуқуқий ҳужжатлар ўртасида зиддиятларнинг мавжудлиги» (81 та);
- «дискрецион ваколатларнинг кенглиги» (53 та);
- «маъмурий тартиб-таомилларнинг мавжуд эмаслиги ёки тўлиқ эмаслиги» (25 та) билан боғлиқ коррупциявий омиллардир⁷⁴.

Албатта, мазкул ҳолатлар дастлабки терговни амалга ошириш жарёнида зиддиятлар, тушинмовчиликлар ва бошқа муаммоларни

⁷⁴ <https://www.gazeta.uz/uz/2021/03/30/corruption/>

келтириб чиқарадики, бу пора олган шахснинг жавобгарлик ва жазодан қутулиб қолиши учун имконият яратади.

Шу сабабли, ЖКнинг 210-моддаси бўйича дастлабки тергов ҳаракатларини олиб бораётган терговчи юқоридаги каби норматив-хуқуқий хужжатлардаги зиддиятлар ва қарама қаршиликлар тўғрисида тегишли таркибий тармоқ орқали асослантирилган таклифларини Ўзбекистон Республикаси Бош прокуратурасига юбориш амалиётини жорий қилиш лозим.

Зоро, Ўзбекистон Республикаси Конституциясининг 8-моддасига кўра, Ўзбекистон Республикаси Бош прокурори қонунчилик ташаббуси хуқуқига эга эканлиги қайд этилган.

ХУЛОСА

Диссертация ишида пора олиш жинояти бўйича дастлабки тергов ҳаракатларини ўтказишни ташкил этиш ва юзага келадиган камчиликларни ёритиш ҳақида фикр юритилди. Хорижий давлатлар тажрибаси таҳлил қилиниб, миллий қонунчилигимизда мавжуд бўлмаган нормаларни имплементация қилиш

масалалари ёритилди. Қайд этилган ҳолатларни инобатга олиб, пора олиш бўйича дастлабки тергов ҳаракатлари ўтказилишига оид ҳукуқ назарияси ва мазкур жараённи тартибга солувчи қонун ҳужжатлари, шу жумладан, ҳукуқни қўллаш амалиётини такомиллаштиришга қаратилган қўйидаги таклифларни амалга ошириш юзасидан хулоса қилинади:

I. Илмий-назарий таклифлар:

1. “Тергов ҳаракати” таърифини қўйидагича баён этиш: “Тергов ҳаракати – бу жиноий қилмиш (ҳаракат ёки ҳаракатсизлик)нинг рўй берган-бермаганлигини, шахснинг ушбу қилмишга алоқадор ёки алоқадор эмаслигини ҳамда иш учун аҳамиятга эга бўлган бошқа ҳолатларни аниқлашга қаратилган ҳамда натижаси жиноят иши бўйича далил бўлиб хизмат қиладиган фаолият ҳисобланади”.

2. Кечиктириб бўлмайдиган тергов ҳаракатлари – бу зудлик билан амалга оширилмаслиги келгусида далилларнинг йўқолиб кетиши ёки номақбул деб топилишига, шунингдек, иш бўйича ҳақиқатни ўз вақтида ва тезкор аниқлаш учун тўсқинлик қилишига сабаб бўладиган ҳаракатлар ҳисобланади” деб таъриф бериш.

3. “Пора олиш - давлат органи, давлат иштирокидаги ташкилот ёки фуқароларнинг ўзини ўзи бошқариш органи мансабдор шахсининг

ёхуд ҳокимият вакили, чет эл мансабдор шахси ёки оммавий халқаро ташкилот мансабдор шахсининг ўз хизмат мавқеидан фойдаланган ҳолда содир этиши лозим ёки мумкин бўлган муайян ҳаракатни пора бераётган ёки учинчи шахснинг манфаатларини кўзлаб бажариши ёки бажармаслиги эвазига шахсан ўзи ёки воситачи орқали қонунга хилоф эканлигини била туриб, моддий ёки номоддий қимматликлар олиши ёхуд мулкий ёки номулкий манфаатдор бўлиши” деб таъриф бериш.

II. Пора олиш жинояти бўйича тергов фаолияти самарадорлигини ошириш борасидаги таклифлар:

1. Хорижий давлатлар қонунчилигига пора олиш жинояти нафақат ҳаракат билан, балки ҳаракатсизлик билан ҳам содир этилиши ҳам мумкинлиги қайд этилган. Ушбу ҳолатни ҳам жиноят қонуни таъсир доираси билан қамраб олиш келгусида юзага келиши мумкин бўлган тушунмовчиликларнинг олдини олади.

2. Давлат хизматчисига берилган совға порами ёки пора эмасми, агар пора бўлса, қандай турдаги совғаларни пора деб ҳисоблаш шартлари қонунчиликда белгиланмаган. Ўзбекистон Республикасининг Фуқаролик кодексида ёки бошқа норматив-хуқуқий ҳужжатларда совға бериш, унинг хуқуқий жиҳатлари тартибга солинмаган. Шу сабабли “*Давлат хизмати тўғрисида*”ги давлат хизматининг ташкилий-хуқуқий асосларини, унинг механизмини ва давлат хизматчисининг хуқуқий мақомини белгилаб берувчи қонунни қабул қилиш таклифи билдирилади.

3. Ўзбекистон Республикаси Маъмурий жавобгарлик тўғрисидаги кодексга суриштирувчи ва терговчининг жиноят ишини тергов қилиш чоғида жиноятнинг сабабларини ва унинг содир этилишига имкон берган

шарт-шароитларни бартараф қилиш чораларини кўриш тўғрисидаги тақдимномасини кўриб чиқмаслик ёхуд тақдимномада кўрсатилган қонунни бузиш ҳолларини бартараф этиш чораларини кўрмаслик, худди шунингдек тақдимномага ўз вақтида жавоб бермаслик учун жавобгарликни белгилаш ҳақида *198⁵-моддаси* билан тўлдириш ҳақида таклиф билдирилади.

III. Жиноят-процессуал қонуни нормаларини такомиллаштириш бўйича таклифлар:

1. ЖПКнинг 331-моддасини 6-қисм билан тўлдириб, унга кўра: “дахлсизлик ҳуқуқига эга бўлган шахсларга нисбатан жиноят ишини қўзгатишга фақат Қорақалпогистон Республикаси прокурорининг, вилоятлар ва Тошкент шаҳар прокурорларининг розилиги билан ёхуд Ўзбекистон Республикаси Бош прокурори ёки унинг ўринбосарининг розилиги билан йўл қўйилади” деб қўшимча киритилиши мақсадга мувофиқ бўлади.

2. ЖПКнинг 91-моддаси 4-қисмини 8-банд билан тўлдириш мақсадга мувофиқ:

8) “гумонланувчи, айланувчи ва судланувчининг кўрсатувларини полиграф мутахассис ёрдамида олишида”.

3. ЖПКнинг 297-моддаси мазмунини қуйидаги тўлдириш киритиш орқали ўзгартириш киритиш таклифи берилади:

“Суриштирувчи, терговчи, прокурор жиноят ишини тергов қилиши чоғида жиноятнинг сабабларини ва унинг содир этилишига имкон берган шарт-шароитларни аниқлаб чиқиб, тегишили давлат органига, фуқароларнинг ўзини ўзи бошқарииш органига, жамоат бирлашмасига,

жамоага ёки мансабдор шахсга ана шу сабаб ва шарт-шароитларни бартараф қилиш чораларини кўриши тўғрисида тақдимнома ҳамда қонунчиликка ўзгартириши киритиш ҳақида таклифларни киритади. Тақдимнома ва таклифларнинг нусхаси ишга қўшиб қўйилади”.

4. ЖПКнинг 73-моддасини қуидаги мазмунда ўзгартириш таклифи берилади:

“Холислар терговга қадар текширув органи раҳбари, суришигувчи, терговчи, прокурор томонидан тергов ёки бошқа ҳаракатлар ўтказилганини, уни ўтказиши жараёни ва натижаларини тасдиқлаш учун ушибу Кодексда назарда тутилган ҳолларда чақирилади.

Тергов ҳаракатларини юритишда иштирок этиши учун ишнинг оқибатидан манфаатдор бўлмаган, камида икки нафар вояга етган фуқаро чақирилиши лозим. Тергов ҳаракатини бошлидан олдин терговга қадар текширув органи раҳбари, суришигувчи, терговчи ёки прокурор холисларга уларнинг ҳуқуқ ва мажбурияtlарини тушунтиради.

5. ЖПКнинг 91²-моддаси 1-қисми 1-бандини қуидагича ўзгартириш киритиш таклиф этилади:

“Тергов ҳаракатлари қуийидаги ҳолларда видеоконференциалоқа режимида ўтказилади:

1) шахснинг жиноят ишини тергов қилаётган органга ёки тергов ҳаракати ўтказилаётган жойга ҳудуддаги эпидемиологик вазиятда ёки соғлигининг ҳолатига ёхуд бошқа узрли сабабларга кўра бевосита келиш имконияти бўлмаганданда”

IV. Жиноят қонуни нормаларини такомиллаштириш бўйича таклифлар:

1. ЖКнинг 210-моддаси 1-қисми диспозициясини қуидаги мазмунда тўлдириш мақсадга мувофиқ:

“Пора олиши, яъни давлат органи, давлат иштирокидаги ташкилот ёки фуқароларнинг ўзини ўзи бошқариши органи мансабдор шахсининг ёхуд ҳокимият вакили, чет эл мансабдор шахси ёки оммавий халқаро ташкилот мансабдор шахсининг ўз хизмат мавқеидан фойдаланган ҳолда содир этиши лозим ёки мумкин бўлган муайян ҳаракатни пора бераётган ёки учинчи шахснинг манфаатларини кўзлаб бажарииши ёки бажармаслиги эвазига шахсан ўзи ёки воситачи орқали қонунга хилоф эканлигини била туриб, моддий ёки номоддий қимматликлар олиши ёхуд мулкий ёки номулкий манфаатдор бўлиши” деб тўлдириш таклиф қилинади.

2. ЖКнинг 8-бўлимида қайд этилган “Давлат иштирокидаги ташкилот” атамасининг 2-бандда берилган “тўлиқ ёки қисман давлат органи ёки давлат ташкилоти томонидан ташкил этилган ёки таъсис этилган нотижорат ташкилоти” деган тушунчага *“...тижорат ва нотижорат ташкилоти”* деб тўлдириш таклифи берилади.

ФОЙДАЛАНИЛГАН АДАБИЁТЛАР РЎЙХАТИ:

I. Илмий-назарий адабиётлар:

1. Коленко Е. Иституциональные механизмы борьбы с коррупцией в Республике Узбекистан // Материалы международно- 2 практического семинара на тему «Проблемы борьбы с коррупцией: национальный и международный опыт».-Ташкент: Chashma Print
2. Дурманов Н. Уголовная ответственность за взяточничество по действующему советскому законодательству.//Проблемы соц. права. Сборник II М., 1937. - С. 23. Кучерявый Н.П. Ответственность за взяточничество по советскому уголовному праву. М., 1957. - С. 41 - 42. Папиашвили Ш.Г. Должностные преступления в теории уголовного права, законодательстве и судебной практике. - Тбилиси, 1988 г. - С.
3. Кириченко В.Ф., Бойцов Б.В. Взяточничество // Уголовная ответственность за хищения государственного или общественного имущества, хозяйствственные преступления и взяточничество. - М., 1967 г.
4. Жижиленко А.А. Должностные (служебные) преступления (Глава III Уголовного кодекса). - М., 1927 - С. 82, Трайнин А.Н. Уголовное право. Особенная часть.
5. Т.Н. Воулина, И.Я. Козаченко. Уголовное право: особенная часть. М., 1998 й,
6. Г.Г.Зуйков. Установление способа совершения преступления при помощи криминалистических экспертиз и исследований/Г.Г. Зуйков.-М., 1970.-е. 15-16.
7. Криминалистика: учебник / под ред. И.Ф.Паптелеева, Н.А.Селиванова. - М.: Юрид. лит., 1988 - с. 460-463; Криминалистика: учебник / отв. ред. Н.П. Яблоков. - 3-е изд.,
8. Степанов, В.В. Предварительная проверка первичных материалов о преступлениях/ В.В. Степанов. - Саратов, 1972. - с.

9. Прововые основы проведения оперативно-розыскных мероприятий в целях выявления и документирования получения взяток. Учебно-методическое пособие. Санкт-Петербургская академия Следственного комитета. Санкт-Петербург-2018.

10. П.Н.Кобец. О некоторых направлениях использования в отечественном законодательстве зарубежного и международного опыта предупреждения и пресечения коррупции в государственном аппарате / П.Н.Кобец. // Следователь. -2009. -№2.

11. “Порахўрлик жиноятларини фош этиш бўйича ўтказиладиган тезкор-қидирув тадбирлари” Кўлланма (Практикум). В.Каримов. Тошкент.2019 йил.

12. М.Қурбонов, Б.Хамидов, О.Ганиев, Б.Каримов. Коррупцион жиноятларни тергов қилиш услубиёти. Ўқув қўлланма – Т.: ТДЮУ, 2020. - 110 б.

13. Порахўрлик билан боғлиқ жиноятларни тергов қилиш хусусиятлари. Амалий қўлланма. ю.ф.н. С.О.Ўразбаев, ю.ф.д. доц. И.Р.Астанов, Б.З.Каримов – Т.: Бош прокуратура Академияси, 2019.

14. “Криминалистика”. Дарслик. F.А.Абдумажидов умумий таҳрири остида. 2003 йил.

15. З.М.Исломов. Давлат ва ҳуқуқ назарияси.Т.: Адолат, 2007 йил;

16. Конституциявий ҳуқуқ. Энциклопедик луғат. Масъул мухаррир ва муаллифлар жамоасининг раҳбари Б. Мустафоев - Тошкент: «Ўзбекистон нашриёти», 2006 йил. - 584 бет.

17. С.Сахаддинов. Ўзбекистон Республикасининг Жиноят-процессуал кодексига шарҳлар. Умумий қисм. – Т. Тошкент, 2014. “Янги аср авлоди”.

II. Қонун ҳужжатлари:

1. Ўзбекистон Республикаси Конституцияси. «Халқ сўзи» газетаси, 1992 йил 15 декабрь, 243 (494)-сон;

2. Ўзбекистон Республикаси Жиноят ва Жиноят-процессуал кодекслари. Ўзбекистон Республикаси Олий Кенгашининг Ахборотномаси, 1995 й., 2-сон;

4. Ўзбекистон Республикасининг 29.08.2001 йилда қабул қилинган “Прокуратура тўғрисида”ги Қонуни;

5. Ўзбекистон Республикасининг 14.05.2014 йилда қабул қилинган “Хукуқбузарликлар профилактикаси тўғрисида”ги Қонуни;

6. Ўзбекистон Республикасининг 2017 йил 3 январдаги “Коррупцияга қарши курашиш тўғрисида”ги Қонун. ЎРҚ – 419-сон;

7. Ўзбекистон Республикасининг 2012 йил 25 декабрдаги “Тезкор-қидирув фаолияти тўғрисида”ги Қонун. ЎРҚ – 344-сон;

8. Ўзбекистон Республикасининг 2013 йил 22 апрелдаги “Фуқароларнинг ўзини ўзи бошқариш органлари тўғрисида”ги ЎРҚ—350-сонли Қонуни, 8-модда;

9. Ўзбекистон Республикасининг “Халқ депутатлари вилоят, туман ва шаҳар Кенгashi депутатининг мақоми тўғрисида”ги Қонуни;

10. Ўзбекистон Республикаси Президентининг 2019 йил 27 майдаги “Ўзбекистон Республикасида коррупцияга қарши курашиш тизимини янада такомиллаштириш чора тадбирлари тўғрисида” ПФ-5729-сонли Фармони;

11. Ўзбекистон Республикаси Президентининг 2020 йил 29 июндаги “Ўзбекистон Республикасида коррупцияга қарши курашиш тизимини такомиллаштириш бўйича қўшимча чора-тадбирлар тўғрисида” ПФ-6013-сонли Фармони;

12. Вазирлар Маҳкамасининг 2018 йил 7 майдаги 341-сон қарорига 1-иловаси “Давлат органларида, давлат муассасаларида ва давлат иштирокидаги ташкилотларда жисмоний ва юридик шахсларнинг мурожаатлари билан ишлаш тартиби тўғрисида”ги намунавий Низом, Умумий қоидалар.

III. Давлат раҳбарининг маъruzalari:

1. Ўзбекистон Республикаси Президенти Ш.М.Мирзиёевнинг 2019 йил 7 декабрда Ўзбекистон Республикаси Конституцияси қабул қилинганинг 27 йиллиги муносабати билан ўтказилган тадбирдаги маъruzasi;
2. Ўзбекистон Республикаси Президенти Ш.М.Мирзиёевнинг Президент лавозимига киришиш тантанали маросимига бағищланган Олий Мажлис палаталарининг қўшма мажлисидаги нутқи;
3. Давлатимиз раҳбари 2019 йил учун мўлжалланган энг муҳим устувор вазифалар ҳақидаги Олий Мажлисга Мурожаатномаси.

IV. Амалий материаллар:

1. Кўшма кўрсатмалар;
2. Кўшма қаррлар;
3. Судларнинг хукмлари;
4. Бош прокурор буйруқлари.

V. Интернет сайtlари:

1. <https://www.lex.uz>;
2. <https://www.gazeta.uz>;
3. <https://www.consultant.ru>;
4. <https://ru.m.wikipedia.org>;
5. <https://www.kun.uz>;
6. <https://www.dissercat.com>